

30(353)
30.09.2013
Հրատարակվում է
1999թ. սեպտեմբերից

ԼՍԱԿՐԹԱԿԱՆ ԹԵՐԹ

Ճանաչել գիմաստությունն եւ գիրքար, իմանալ զբանս հանձարոյ

Лусарар

ԳԻՏԱԿՐԹԱԿԱՆ ԹԵՐԹ

Lusarar

ԱՅՍԵՂ ԻՐԱՊԵՏ ՆԵՐԴՐՎՈՒՄ Է ՀՈԳԻ

Անշուշտ, շատ դժվար կլիներ արցախցիների վիճակը, հատկապես ազատագրական պատերազմի դժնդակ տարիներին, եթե չլիներ սփյուռքահայության աջակցությունը: Թե՛ ռազմագործողություններին ուղղակի մասնակցությամբ և թե՛ նյութական ու բարոյական օգնությամբ Սփյուռքի մեր եղբայրներն ու քույրերը մեզ գործառնում են Արցախյան գոյապայքարի բոլոր փուլերում:

Այժմ, տևական հրադադարի պայմաններում, երբ մեր ամենօրյա ջանքերն ուղղված են պետության լիարժեք կայացմանն ու զարգացմանը, դարձյալ զգալի է Սփյուռքի գործունե աջակցությունը: Այն դրսևորվում է երկրի կենսագործունեության բոլոր բնագավառներում՝ տնտեսություն, շինարարություն, առողջապահություն, կրթություն, մշակույթ...

Սեպտեմբեր ամիսն այս առումով թերևս ընդգծված էր, քանզի բարեգործական նախաձեռնություններն ինչպես ասում են՝ պտուղ տվին միանգամից մի քանի ոլորտներում: Դեռևս ամսվա սկզբին հանդիսավոր պայմաններում շահագործման հանձնվեց «Դեմոտեքս Դեմոտալ Գրուպ» ընկերության ստոմատոլոգիական կլինիկան, հաջորդ օրը «Լուսին» ընկերության հիմնադիր-նախագահ Արթուր Վարժապետյանի կողմից հանդիսավոր պայմաններում առողջապահության գերատեսչությանը հանձնվեց երկու ռեանիմիթիլ և շտապ օգնության չորս գծային ավտոմեքենա:

Համայն հայության համար Արցախի խորհրդանիշ համարվող «Մենք ենք, մեր սարերը» հուշարձանն իր վերածնունդն ապրեց շրջակա տարածքի բարեկարգման շնորհիվ, որն իրականացվեց ծնողով ստեփանակերտցի, մոսկվաբնակ բարերար Կարեն Ավագունյանի միջոցներով: Իսկ սեպտեմբերի 24-ին, Ստեփանակերտում տեղի ունեցավ վարդուց սպասված իրադարձությունը՝ բացվեց «Տաշիր» խմբի ընկերությունների նախագահ, ռուսաստանաբնակ մեծ բարերար Սամվել Կարապետյանի հովանավորությամբ կառուցված Հանրապետական բժշկական կենտրոնը:

Ուշագրավ էր նաև սեպտեմբերի 26-ին Արցախի մայր բուհում մեկնարկած ծրագիրը, ըստ որի՝ առաջիկա չորս տարում 100.000 ԱՄՆ դոլարի ֆինանսական աջակցություն պետք է ցուցաբերվի համալսարանի ճարտարագիտական ֆակուլտետում դեռևս մեկ տարի առաջ բացված «Կառավարման տեղեկատվական համակարգեր» մասնագիտության կայացմանը:

Արժանին մատուցելով բոլոր բարեգործներին՝ հայրենամարտի ձեռնարկումների համար, նշենք, որ միայն բարեսիրական նախաձեռնությունների վիճակագրական աճը չէ տվյալ դեպքում հաղթանակների առաջավտյան, խիստ կարևոր է նաև այն, որ Արցախն իր շուրջն է համախմբել աշխարհի տարբեր ծագումնաբեր ապրող իր լավագույն գավակներին ու նրանց նվիրյալ մասնակցությամբ շենացնում է երկիրը:

Տեղին է հիշել Հանրապետական բժշկական կենտրոնի բացման հաղիսավոր արարողության ժամանակ ԼՂՀ նախագահ Բակո Սահակյանի արտահայտած այն միտքը, թե այստեղ ներդրվել է հոգի: Այո, միայն հոգի ներդրվել են երկիր կառուցում ու այն պաշտպանում: Եվ դա արդեն դարձել է արցախամասստ մեր բոլոր նախաձեռնությունների հիմնակետը:

«ԼՈՒՍԱՐԱՐ»



ԾՐԱԳԻՐԸ ՄՏԱՎ ԳՈՐԾՆԱԿԱՆ ՓՈՒԼ

Մեկ տարի առաջ Արցախի պետական համալսարանի ճարտարագիտական ֆակուլտետում բացվեց «Կառավարման տեղեկատվական համակարգեր» մասնագիտությունը:

Սեպտեմբերի 26-ին մայր բուհում վավերացվեց մի ծրագիր, որի նպատակը նշված մասնագիտության կայացմանն ու զարգացմանն ապահովումն է: Այդ նպատակով ժամանել էր ԱՄՆ-ում հիմնադրված «Հայ կրթական հիմնարկություն» բարեգործական կազմակերպության ներկայացուցչական խումբը: Միջոցառմանը ներկա էր ԼՂՀ կրթության և գիտության նախարար Սլավա Ասրյանը: Համաձայն կնքված պայմանագրի՝ «Հայ կրթական հիմնարկությունը» չորս տարվա կտրվածքով 100 հազար ԱՄՆ դոլարի ֆինանսական աջակցություն պետք է ցուցաբերի վերոնշյալ մասնագիտությանը, այդ թվում՝ ուսանողներին կրթաթոշակի տրամադրում, դասախոսներին աշխատավարձով ապահովում, նյութատեխնիկական բազայի ամրապնդում:

«Ծրագիրը մեծ նշանակություն ունի ոչ

ենց Արցախում: Կազմակերպությունը բազում ծրագրեր է իրականացրել ոլորտում՝ դպրոցաշինություն, գույքով ապահովում, կրթաթոշակների և տարաբնույթ օգնությունների տրամադրում: Նախարարը շնորհակալություն հայտնեց այս ամենի, ինչպես նաև բարոյական մեծ աջակցության համար: «Ղարաբաղցին երբ տեսնում է, որ Սփյուռքն իր հետ է, ավելի է ոգևորվում: Արցախը հաղթանակեց մեր միասնության շնորհիվ, ու այսօր էլ պետք է այդ հաղթանակն ամրապնդվի նույն ձևով: Պայքարը, ինչի արդյունքում Արցախն այսօր ազատ ու անկախ է, իզուր չի եղել: Դա համայն հայության հաղթանակն է, և այն հարկավոր է ամրապնդել, որպեսզի Արցախի ժողովուրդը կարողանա իր հողում ապրել, ստեղծագործել և որպես պետություն զարգանալ, ինչը կբերի նրա միջազգային ճանաչմանը: Համայն կարևորն այն է, որ մենք մեզ այդպիսին ենք համարում: Իսկ դուք այցելելով Արցախ, տեսնելով ձեր բարեգործության պտուղները՝ ամեն անգամ նոր դրական լիցքեր եք տանում ձեզ հետ»,- ասաց Սլավա Ասրյանը՝ երախտագիտություն հայտնելով բարերարներին և բարի երթ մաղթելով ծրագրին:

«Հայ կրթական հիմնարկության» նախագահ Հերմինե Փախանյանը իր հերթին շնորհակալություն հայտնեց ԱՊՀ-ին՝ ծրագրի կայացմանը գործունե պատրաստակամություն ցուցաբերելու համար՝ ասելով, որ «Հայ կրթական հիմնարկության հետ մեկտեղ գործում է նաև «Գիտական, կրթական և մշակույթի զարգացման կազմակերպությունը», և երկուսով համագործակցելու են ԱրՊՀ-ի հետ, որպեսզի ուսանողներին հաջողությամբ բակալավրական կրթության հասցնեն: «Մենք գիտենք, որ Սփյուռքը գոյություն չունի առանց հայրենիքի, և ուզում ենք միշտ օգտակար լինել մեր հայրենիքին: Մենք ուզում ենք մեր եկող սերունդներին շատ ավելի լավ հանձնել մեր հայրենիքը»,- ասաց նա:

Ճարտարագիտական ֆակուլտետի դեկան Գագիկ Բաղունցն ուրախություն հայտնեց, որ իրականացնում է իր վաղեմի երազանքը. 20 տարի առաջ, երբ դեռ պատերազմ էր Արցախում, և Սփյուռքի մեր հայրենակիցները օգնություն էին բերել՝ զինամթերք ու սննդամթերք, նա մի միտք է արտահայտել, թե երբ կգան այն ժամանակները, որ սփյուռքահայերի օգնությունը լինի ոչ թե սննդամթերքի ձևով, այլ գիտելիքի, գրքերի (այն ժամանակ համակարգիչ չկար): «Ես անչափ ուրախ եմ, որ այդ պահին արդեն իրականացավ: Ինչպես Աստվածաշունչն է ասում՝ մի տվեք մեզ ձկներ, այլ սովորեցրեք մեզ ձուկ բռնել: Չէր օգնությամբ մենք կարող եմք պատրաստել երիտասարդների մի սերունդ, որը կարող է այն ամեն ինչը, որ դուք որպես օգնություն բերում եք Ղարաբաղ, ստեղծել այստեղ, և իրենք էլ հեռուներում ապրող մեր կարիքավոր հայրենակիցներին օգնության ձեռք մեկնեն»,- ասաց նա:



միայն Արցախի մայր բուհի, այլև երկրի գիտակրթական ոլորտի հետագա զարգացման համար: Արցախի պետական համալսարանը նախանձախնդիր է իր ուսանողներին ժամանակակից պահանջներին համապատասխան որակյալ կրթություն տալու հարցում և այս ուղղությամբ պարբերաբար միջոցառումներ է ձեռնարկում: Գաղտնիք չէ նաև, որ մեր հանրապետության աշխատաշուկայի պահանջված մասնագիտություններից է կառավարման տեղեկատվական համակարգերը, ինչն էլ զգալի է հիմնավորելու մեր այսօրվա մեկնարկվող ծրագրի արդիականությունն ու կարևորությունը»,- ողջունի և շնորհակալանքի իր խոսքում ասաց ԱրՊՀ ռեկտոր Մանուշ Մինասյանը՝ համոզված հայտնելով, որ այն հաջող ընթացք ու շարունակականություն կունենա:

ԼՂՀ կրթության և գիտության նախարար Սլավա Ասրյանը, ողջունելով ամերիկահայ բարերարների հերթական այցն Արցախ, արժևորեց «Հայ կրթական հիմնարկության» մեծ առաքելությունը հանրապետության կրթական համակարգի զարգացման գործում՝ մատնանշելով անուններ. Հակոբ և Մինա Շիրվանյաններ, Թուֆենկյաններ, Հակոբ Բաղդասարյան և էլի շատեր, ովքեր մեծ ներդրում ու-

«ԿՐԹՈՒԹՅՈՒՆ»-Ը՝ ԱՐՑԱՒՈՒՄ



Օրերս ԼՂՀ կրթության և գիտության նախարարության հյուրն էր ՀՀ ԿԳՆ «Կրթություն» շաբաթաթերթի խմբագիր Գագիկ Մինասյանը: Նախարար Սլավա Ասրյանի մոտ հանդիպմանը ներկա էին փոխնախարարները, «Լուսարար» թերթի խմբագիրը: Ս. Ասրյանը ողջունեց հայաստանյան համասեռ կառույցի խոսակողը հանդիսացող թերթի խմբագրատեսուի այցը և նրա կողմից իր հեղինակած «100 խմբագրական. Հայեցի դաստիարակության զարգացմանը նմուշներ» ժողովածուն Արցախի հանրակրթական դպրոցներին նվիրելու ցանկությունը: Հանդիպման ընթացքում շոշափվեցին թերթ-դպրոց-ընթերցող համագործակցության հետագա ծրագրերը: Մասնավորապես արժարժվեց «Կրթություն» թերթում Արցախին նվիրված նպատակային էջեր կամ նրա առանձին համարներ հատկացնելու զարգացումը:

«Կրթություն» շաբաթաթերթի խմբագիր հետ ընդլայնված հանդիպում տեղի ունեցավ Ստեփանակերտի հ. 3 միջնակարգ դպրոցի դահլիճում, որտեղ ներկա էին կրթության և գիտության նախարարության, քաղաքապետարանի կրթության բաժնի, մայրաքաղաքի հանրակրթական դպրոցների տնօրեններ, փոխտնօրեններ և ուրիշներ: Հանդիպմանը վերածվեց գրքի յուրատեսակ շնորհանդեսի: Գագիկ Մինասյանին ներկայացնելով որպես կրթության և լրագրության ասպարեզների երկարամյա աշխատող՝ Ս. Ասրյանը անդրադարձավ նրա հեղինակած գրքին, որը, ինչպես վերնագիրն է հուշում, թերթի խմբագրականների ժողովածուն է, և ինչպես նշված է առաջաբանում, չնայած իրապարակախոսական էսսեների ժողովածու է, սակայն, ըստ էության, հայեցի դաստիարակության զարգացմանը նմուշներ են: Բազմաթիվ և բազմազան են գրքում ներկայացված թեմաները. նախակրթարանից մինչև հանրակրթական դպրոց, բարձրագույն կրթությունից՝ գիտություն, Սարդարապատ, Շուշի, մինչև հայոց մեծեր, «և յուրաքանչյուր խմբագրականում կարելի է գտնել մի հետաքրքիր միտք, դեպք, որ մեծ հաջողությամբ կարելի է ներկայացնել որպես հայեցի դաստիարակության զարգացմանը նմուշ»,- ասաց Ս. Ասրյանը: Նա մեջբերեց խմբագրականներից մեկում նշված հետաքրքիր մի միտք, որ բնութագրում է մեր ժողովրդի ապագան: Նկատենք, որ բոլոր խմբագրականները մտքի յուրատեսակ խոսքում են և օգտակար կարող են լինել դասողների, կազմակերպիչների համար միջոցառումներ կազմակերպելու: Այս հոդվածները յուրովի գնահատում, բացահայտում ու քարոզում են այն արժեքները, որոնք հազարամյակների կտրվածքով պահում են իրենց մեջ՝ դրանով իսկ հայեցի դաստիարակության խնդիր դնելով:

Ս. ԽԱՀՍՏՐՅԱՆ

ՀԱՆԴԻՊՈՒՄ

«ԿՐԹՈՒԹՅՈՒՆ»-Ը՝ ԱՐՑԱԽՈՒՄ

1 Զեյնալը փորձում է իր սրտի ու հոգու միջով գնահատել հավերժական արժեքները, և դրանք նոր մեկնաբանություններով ի ցույց դնել որպես համաժամանակյա արժեքներ:

Գիրքն օգտակար կարող է լինել բոլոր այն հաստատությունների համար, որոնք նախանձախնդիր են կամ խնդիր ունեն զբաղվելու հայեցողի դաստիարակությամբ՝ լինի դպրոց, բուհ, թե գործարան:

Լրագրության և կրթության ասպարեզի ազնիվ աշխատողի՝ իր վաղեմի գործընկերոջ ու բարեկամի հետ հանդիպումն Արցախյան հողում ողջունեց ԼԳՅ գրողների միության նախագահ, բա-

Նման գիրք ստեղծելու գաղափարը, նրա խոսքով, գալիս է հայ մամուլի ավանդույթներից, որն ունի խմբագրականների յուրատեսակ պատմություն. սկսած մեր առաջին՝ «Ազդարար» թերթից, մեր բոլոր խմբագիրներն ունեցել են խմբագրական սյունակներ, որտեղ գետնեղի են իրենց համար նվիրական գաղափարներ, ձևակերպումներ և որտեղ իրենց կարծիքը, դիրքորոշումներն են արտահայտել թե քաղաքական, թե՛ գեղագիտական խնդիրների վերաբերյալ: 2005 թվականից ստանձնելով «Կրթություն» թերթի խմբագրի պաշտոնը՝ ամեն համարի գրել է խմբագրականներ, որոնք օրացուցային հերթականությամբ համընկնում էին մեր որևէ հիշարժան օրվա, տոնի, ազգային արժեքի մեծարժան, համաժողովրդական գնահատման իրադարձության: Նրա հավաստմամբ՝ երջանակահիշատակ Լևոն Անանյանը շատ էր հավանում իր խմբագրականները և միշտ հորդորում ունենալ առանձին գրքով: Նույնն ասում էր Սփյուռքի նախարարը՝ որ դա օգտակար կարող է լինել հատկապես սփյուռքյան դպրոցների երեխաների համար, քանի որ այդ խմբագրականները կարծես հայեցողի դաստիարակության յուրատեսակ դասեր են: Դասագրքային ձևից դուրս ավելի մատչելի, ավելի գեղագիտական ձևակերպումներով երեխային կամ երիտասարդին կարող են հասցնել ինքնաճանաչողության կամ հայրենագիտական տեղեկացվածության:



նասիրական գիտությունների դոկտոր, պրոֆեսոր Վարդան Գևորգյանը: Նրան առանձնապես ոգևորել էր նրա գրքի բնականոն ծնունդը, և ասաց, որ այն գեղեցիկ նվեր է մեր դպրոցներին, ինչու չէ՞ բոլորին: Գրքի բովանդակությանն անդրադառնալն առիթ դարձավ, որ գրողն իր ելույթում արտահայտվի Շարժման քառորդարյա ճանապարհի բացթողումների և այդ առնչությամբ մտավորականի դիրքորոշման մասին՝ նշելով, որ Գագիկ Մինասյանի գրքում անուղղակիորեն այս հարցերն են շոշափվում:

«Լուսարար» թերթի խմբագիր Սվետլանա Խաչատրյանի ելույթը գլխավորապես մեր երկու հանրապետությունների կրթության համակարգի պաշտոնաթերթերի համագործակցությանն էր վերաբերում: Համագործակցություն, որի սկիզբը դրվել է ավելի քան տասը տարի առաջ՝ երկու նախարարությունների միջև կնքված համաձայնագրի շրջանակներում, սակայն սկսվելով, այդպես էլ շարունակություն չունեցավ: Մասնավորապես առաջարկվեց, որ, «Լուսարարից» բացի, արցախի ուսուցիչների համար ամբիոն ծառայի նաև «Կրթություն» թերթը, քանզի Արցախում կա կրթական հարուստ պատմություն, մանկավարժական միտք՝ արժանի հայաստանյան, ինչու չէ՞, նաև համահայկական դաշտ դուրս բերելու: Ի դեպ՝ այս գաղափարը հանդիպման վերջում հնչեցրեց նաև փոխնախարար Ա. Սարգսյանը՝ ասելով, որ թերթերի համագործակցությունը պետք է լինի ոչ միայն խմբագիրների, այլև ուսուցիչ-հեղինակների առումով, քանզի Արցախի անգամ մի հեռավոր գյուղում կարող է լինել ընդօրինակման արժանի մեթոդ կամ փորձ:

Թերթի խմբագիր և գրքի հեղինակ Գագիկ Մինասյանի խոսքն իր խմբագրականների նման հակիրճ էր և զգացմունքային: Նա անդրադարձավ իր արցախյան արձատներին՝ ասելով, որ չնայած ծնվել է Երևանում, բայց միշտ իր երակներում զգացել է արցախյան իր արձատներից եկող արյունը, որը նրան տվել է շնորհ, գրիչ, եռանդ ու հայրենասիրություն: «Այսօր իմ հայրենասիրությունը խաղաղիքների խանութ մտած մանկան պես հագուրդ է առնում արցախյան հողում, Փանծասարից մինչև Դաղկվանք, Բերձորից Շուշի, մինչև Դազակեցոց եկեղեցի, մինչև Ստեփանակերտի այս նորակառուցյալ հրաշալի դպրոցը: Մեր հաղթանակները պետք է տոնենք նաև Վանա լճի ափին, քանզի այն, ինչ Աստված տվել է մեզ, չեն կարող մեզանից խլել: Կրթությունը մեզ համար նույնքան կարևոր է, որքան բանակը: Եվ համոզված եմ, որ մեր դպրոցը, եկեղեցին և բանակը՝ մեր ազգային ինքնության երեք հիմնասյունները, օրավոր հզորանալով՝ մեզ կտանեն դեպի նոր հաղթանակներ»:

Հանդիպումից հետո Գ. Մինասյանին զրույցի հրավիրեցին լրագրողները՝ «Լուսարար» թերթի խմբագիր Ա. Խաչատրյանը, Արցախի հանրային հեռուստատեսության «Մեր դպրոցը» հաղորդաշարի խմբագիր Ն. Նիկողոսյանը, Հանրային ռադիոյի գլխավոր խմբագիր Մ. Վլեչկանյանը, լրագրող Յու. Վանյանը: Ասուխում արժարժավ հարցերը հետևյալ բովանդակության էին:

Նախ՝ Գ. Մինասյանի անցած ճանապարհը: Վշխատել է դպրոցում՝ որպես հայոց լեզվի և գրականության ուսուցիչ, Երևանի Սպանդարյան շրջանի ժողկրթբաժնում ստույգ, հետագայում՝ բաժնավար, այնուհետև «Երեկոյան Երևան» թերթում՝ լրագրող: Ի դեպ՝ այստեղ աշխատելու տարիներին նրա շնորհիվ թերթը դարձավ Արցախյան շարժման մունետիկ:

Ասե՛ք, որ Գ. Մինասյանը էլի ուրիշ գրքերի հեղինակ է: Նա հպարտությամբ ասաց, որ Հայաստանի Հանրապետության՝ Սեպտեմբերի 21-ի անկախության հանրաքվեի մասին առաջին և առայսօր միակ գրքի հեղինակն է: «Հանրաքվե» վերնագրով այդ գիրքը փաստավարագրական բնույթ ունի: Այնտեղ նա համախմբել է ՀՀ Սեպտեմբերի 21-ի հանրաքվեի նախորդած ժամանակաշրջանի պատմական, վավերագրական իրադարձությունները փաստաթղթային արտացոլումներով՝ մինչև հանրաքվեի իրականացում, նրա արդյունքների ամբողջական պատկերը և ՀՀ Գերագույն խորհրդի պատմական որոշումները:

Դրանից բացի նա բազմաթիվ գրքեր է հրատարակել, խմբագրել (այդ թվում՝ 7 անուն հոգևոր թեմաներով գրքեր): Նաև 3-րդ և 4-րդ դասարանների «Շախմատ» դասագրքերի խմբագրական խորհրդի ղեկավարն է: Ի դեպ՝ դեռ 90-ական թվականներին, երբ Սպանդարյանի շրջանի կրթության բաժնի վարիչն էր, «Շախմատ» առարկան մտցրել էր բոլոր հանրակրթական դպրոցները՝ ֆակուլտետով հիմնադրելով:

Նրա կարծիքով՝ բոլոր ժամանակներում հայ ուսուցիչ առաքելությունը նույնն է, և իր համար ուսուցիչը Մաշտոցից մինչև մեր ժամանակները նույնարժեք արթնություն է:

«Մենք միշտ նույնն ենք բոլոր ժամանակներում: Գիտեք, միշտ չէ, որ տվյալ ժողովուրդը կարող է լինել վերելքի մեջ: Ասում ենք, չէ, հանճարներ ծնվում են հազար տարին մեկ, իսկ ինչո՞ւ ենք ուզում, որ ամեն տարի հանճար ունենանք, պիտի հաշտվենք այդ մտքի հետ: Ազգը, ժողովուրդը չի կարող ամեն տարի ստեղծել գուլիսգործոցներ: Եթե Հովհաննես Մասեխյանը կարող էր Եթեպաիր թարգմանել իր ժամանակին, և մենք կարող էինք ունենալ Վահրամ Փափազյան, չի նշանակում, թե մեր այսօրվա սերիալներում նկարահանված դերասանները նույնքան հանճարեղ պետք է լինեն, որքան՝ Փափազյանը: Բայց միաժամանակ չի նշանակում, թե՛ վայսաման, Փափազյանի ժամանակներն ավարտվել են, և մեր թատրոնը մեռել է: Չէ: Վաղը նորից Փափազյան ենք ունենալու: Ժամանակները հերթազայում են միմյանց: Իսկ մեր ժողովուրդը հանճարեղ է ոչ թե 5-րդ կամ 10-րդ դարում, այլ հանճարեղ է մեկընդմիջ՝ ի սկզբանե մինչև վերջ»,- այսպես լավատես է նա:

ՁԼՄ-ների առնչությամբ նա ասաց, որ ժամանակակից լրագրողներից ինքը մի քիչ տարբերվում է՝ խուսափում է քննադատելուց. «Այսօր ինչքան լրատվամիջոց՝ համացանցային, թղթային և այլն, բոլորն ուզում են գտնել սենսացիաներ, բոլորն ուզում են քննադատել, որպեսզի ընթերցողներ հավաքեն: Ես դեմ եմ դրան: Եթե հարյուր լրատվամիջոցից 99-ը հայտնում է, քննադատում, զոհեմ մեկը պիտի լինի», որ մեր հասարակության մեջ տեսնի լավը, դրականը, բարին: Այդ բարին շոյի, գուրգուրի ու փորձի վերահանելու:

Կրթական բարեփոխումների, մասնավորապես Բոլոնյան համակարգի մասին նա հետևյալն ասաց. «Ինչպես բոլոր ոլորտներում, այնպես էլ մեր կրթական դաշտում մենք փորձում ենք գաղափարապես օտարի օրինակով, օտարի օրինակը տեղայնացնելով: Բայց բարեփոխաբար, այդ օտարը ժամանակին մեզանից այնքան բան է վերցրել, և մենք էլ նրանից վերցնելով՝ պարզ-

վում է, որ վերցնում ենք այն, ինչ վաղուց ունեցել ենք: Բոլոնյայի գործընթացը սկզբնավորվել է Սորբոնի համալսարանի նախաձեռնությամբ, և նրա հիմնադիր ճիստի ժամանակ ներկա է եղել նաև հայաստանյան ներկայացուցիչը: Եվ Սորբոնի պրոֆեսորներից մեկը, ով եղել է նախաձեռնող խմբի ղեկավարը, ամբիոնից ասել է՝ ես շատ ուրախ եմ, որ այստեղ՝ դաշխնում նստած է հայաստանյան ներկայացուցիչը, որովհետև այն, ինչ մենք ուզում ենք անել ամբողջ եվրոպայում, միջնադարյան Հայաստանում արդեն անում էին հայերը»: Գ. Մինասյանը վկայակոչեց Տաթևի և Գլաժորի համալսարանները, որոնք ժամանակին ունեցել են եռաստիճան կրթական համակարգ, այսինքն՝ չորս տարի սովորելու դեպքում հինգ առարկա ուսումնասիրել են նրանք, ովքեր դարձել են վարժապետ, դրանից ավելի առարկաներ ուսումնասիրողները դառնում էին դասախոսի կամ մնում էին տվյալ հաստատությունում, դառնում վարժապետ, այսպես ասած, դասախոս, որն էլ ժամանակակից ասպիրանտուրան էր: Նրա կարծիքով, անուններն են փոխվել, տերմինները, իսկ կրթության բովանդակությունը, ըստ էության, գրեթե նույնն է մնացել: «Այսինքն՝ այնքան բարձր ազգային արժեքներ ունենք, որ օտարից որևէ բան վերցնելու կարիք չունենք: 5-րդ դարի մեր թարգմանիչները թարգմանում էին համաշխարհային արժեքները և դրանք տեղայնացնում: Իհարկե, պետք է համամարդկային մտքի լավա-



գույն արժեքների տիրապետել, դրանք տեղայնացնել: Բայց դա չի նշանակում, թե պետք է պատճենել օտարին: Հաճախ մենք մեր երջանկությունը թույլանալով «ԱՄՆ-ից մարդը» հերոսի նման փնտրում ենք հեռուներում, այնինչ, ոսկին մեր երկրում է, մեր տակը»:


Ի՞նչն է այսօր պակասում հայեցողի դաստիարակությանը: Նրա համոզմամբ, միայն մի բան՝ ինքնաճանաչողությունը, և դրա համար էլ թերթի կարգախոսն է՝ «Ճանաչիր ինքդ քեզ»: «Մենք ինքներս պետք է մեզ ճանաչենք, որ իմանանք, թե ով ենք մենք: Եթե մենք մեզ ճանաչենք, կհասկանանք, որ ախր եթե թշնամուն այդքան հեշտ էր հարթելը, ապա ինչու ավելի շուտ չէինք հարթել: Այ սա է մեզ միշտ պակասում, մեր անվստահությունը սեփական ուժերի նկատմամբ մեզ միշտ խանգարել է: Մենք պետք է ինքներս մեզ ճանաչենք և հավատանք, արժանապատիվ ձևով, Աստծո կողմից մեզ տրված շնորհները կարողանանք դրսևորել, ծաղկեցնել ու դրանով մեզ դաստիարակել»:

Նրա համար Արցախն իդեալական Հայաստանի մի մասնաբաժնի է: Եվ եթե Հայաստանում դարերի ընթացքում կուտակվել են ինչ-ինչ թերություններ, օտար նվաճողների հետևանքն է. անգլիացի հանճարեղ բանաստեղծ Բայրոնն ասում էր, որ հայ ժողովրդի բոլոր արժանիքները Աստծո կողմից իրեն տրված են և միայն իրեն են պատկանում, իսկ բոլոր թերություններն արդյունք են նրա երկիրը նվաճած օտարների: Արցախը պետք է կարողանանք մաքրել, գուլպել և իդեալական Հայաստան դարձնել: «Մենք դա կարող ենք անել, որովհետև Արցախը համայն հայության սիրելի երկրամասն է այսօր, և հայության ամբողջ ուշադրությունը նրան է ուղղված: Մենք կարող ենք Արցախում ստեղծել ամեն ինչի իդեալական մոդելներ՝ ազգային դպրոցի, բուհի, նույնիսկ այգու, ավանդույթների, զբոսաշրջության, հյուրատան և այլն: Մենք դա Արցախում կարող ենք անել, որովհետև այլ բան է, երբ սփյուռքահայ հարուստ ուզում է օգնել Հայաստանին, որտեղ նա լսում է նաև թերությունները, անձնաշահ մարդկանց մասին և իրասպափվում, բայց ոչ մի հայ չի զլանա իր ունեցածն ուղղել Արցախին: Ու եթե մեծ ոգևորությամբ մենք հաղթեցինք ռազմի դաշտում, նույն ոգևորությամբ պիտի կարողանանք նաև խաղաղ դաշտում հաղթանակներ ապահովել: Եվ թող Արցախը լինի մայր Հայաստանի իդեալական օրինակը»,- այսպես է մտածում հայաստանյան մեր գործընկերը:

Զրույցն այնուհետև շարունակեցինք թերթերի տպագրության հետ կապված խնդիրների շուրջ:

Ս. ԽԱՉԱՏՅԱՆ

ԽՈՍՔ ԽՈՆԱՐՅՈՒՄԻ



Նա պտղունց-պտղունց կա ամեն մի հայի մեջ, քանզի իր մարմնավորած կերպարներով և ապրած կյանքով առհասարակ կարողացել է ստեղծել Հայի բնութագրական դիմագիծը: Ցեղի յուրահատկության այսպիսի խտացումը մի անձի մեջ՝ հատուկ է միայն մեծերին, բայց նա իրեն երբեք մեծ չէր համարում: Հասարակ էր ու պարզ, ինչպես հարազատ Լուսվա մարդիկ:

Երկրային կյանքում Սոս Սարգսյանը միշտ իր տեղն ուներ ու երբեք չէր փորձում ուրիշի տեղը գրավել: Ստեղծեց թատրոն, որը ծառայեցրեց հարազատ ժողովրդին: Եվ այսուհետև ևս կրելով նրա անունը՝ Համազգային թատրոնը դարձյալ կծառայի հայ արվեստին:

1991-ին, երբ առաջադրվեց ՀՀ նախագահի թեկնածու, խնդիր ուներ նաև իրենով արժևորել այդ ինստիտուտը. չէ՞ որ երկիրը նոր էր անկախացել, ու կարիք կար խորհրդային մտածելակերպից նոր դուրս եկող հայ մարդուն հուշել ինքնության գաղափարի կարևորությունը: Հետագա տարիներին էլ ապրեց երկրի կենսական խնդիրներով, իսկական արվեստագետին վայել՝ առօրյան լրացրեց հասարակական կյանքի բարձիթողի մնացած հոգսերով, զբաղվեց դրանց լուծումներով:

Սոս Սարգսյանի էկրանավորած հերոսները բազմաթիվ են, բայց երկի նա մեր մտապատկերում միշտ կնճա որպես Նահապետ՝ իր ուրույն կեցությամբ ու բարոյախտությամբ, արդարամտությամբ և արժանապատվությամբ:

«Համը հանում են արդեն. էսքան ապրելն ո՞ւմ է պետք: Հոգնել են, հոգնեցրել, ամեն ինչ իր ժամանակն ունի, չէ՞, մահն էլ պիտի ժամանակին գա, չի գալիս»,- տրտնջում էր առիթներով: Բայց ակնհայտորեն շտապեց հեռանալ մեզանից, որովհետև նրա մարդկային հմայքը, ցավոք, դեռ լրիվությամբ չէնք հասցրել ըմբռնելու:

Մեծ արվեստագետները բնավ չեն լքում ապրողներին, նրանք միշտ մնում են իրենց թողած անմահ գործերով, դրա համար էլ նրանց միշտ ծափերով են ճանփում դեպի հավերժություն:

Մեր մեծ խոնարհումը բերենք Վարպետին:

«ԼՈՒՍԱՐԱՐ»

ԴՊՐՈՑ

ԵՐԲ ԴԵԿԸ ՀՈՒՄԱԿ ԶԵՆՔԵՐՈՒՄ Է



«Ստեփանակերտի ֆիզմաթ դպրոցում նույնիսկ հունամիտար առարկաներից՝ հայոց լեզվից՝ 20%, ռուսաց լեզվից՝ 58%, անգլերենից՝ 55%, հայոց պատմությունից՝ 37,2% որակական ցուցանիշները շատ ավելի բարձր են հ. 8 և 11 ավագ դպրոցների հունամիտար հոսքերի աշակերտների ցուցաբերած ցուցանիշներից: Իսկ բնագիտական առարկաների ցուցանիշներով թե՛ օլիմպիադաների և թե՛ քննությունների ժամանակ դպրոցը բարձր ցուցանիշներ է ունեցել:»

Այս տվյալները, որ ինքնին շատ բան են հուշում քաղաքի միակ թեքումով կրթօջախի մասին, մեջբերված են Ստեփանակերտի քաղաքապետարանի կրթության և սպորտի բաժնի վարիչ Կ. Մարգարյանի զեկուցագրից, որով նա հանդես է եկել ռուսօգիչների օգոստոսյան խորհրդակցությունում:

Այդ, ֆիզմաթ դպրոցում (տնօրեն՝ Սուսաննա Ներսիսյան) դրվատանքի արժանի աշխատանք է տարվում մատաղ սերնդի հայեցի դաստիարակության գործընթացը կատարելագործելու, դասի, ուսումնական պարապմունքների մյուս ձևերի արդյունավետության բարձրացման ուղղությամբ: Թեև դպրոցը այնքան էլ մեծ չէ (ունի 265 աշակերտ), բայց համապատասխան կրթությամբ չորս տասնյակից ավելի ռուսօգիչ ունի, և բոլորն էլ ջանում են սովորեցնելուց զատ նաև զարգացնել սաների գեղագիտական ճաշակն ու զգացումները, նրանց մեջ դաստիարակել բնավորության ու վարվելակերպի կայուն գծեր:

- Մենք անում ենք ամեն ինչ, որպեսզի մեր աշակերտներն իրենց դրսևորեն լավ գործերով, սիրեն հայրենիքը, մարդկանց, իրենց ընկերներին, լինեն ազնիվ ու ճշմարտասեր, միշտ և անձնուր բարձր պահեն հարազատ կրթօջախի անունն ու բարի համբավը,- ասում է տնօրեն Ս. Ներսիսյանը:

Իսկ արդյունքները չեն ուշանում: 2012-2013 ուստարում դպրոցի ութ աշակերտներ մասնակցել են 33-ում անցկացված օլիմպիադայի երափակիչ փուլին, ընդ որում՝ Դավիթ Զարուբյանյանը և Սամվել Միրզախանյանը Երևանից վերադարձել են գովասանագրերով, Սերգեյ Զայրապետյանը՝ 2-րդ կարգի դիպլոմով (ֆիզիկա, ռուսօգիչ՝ Աշոտ Ապրետյան), Սերգեյ Զայրապետյանը և Արմինե Զայրապետյանը (մաթեմատիկա, ռուսօգիչներ՝ տնօրեն Սուսաննա Ներսիսյան և Նելլի Օհանյան), Յուրի Մարգարյանը (անգլերեն, ռուսօգիչի՝ Քրիստինե

Մնացականյան)՝ գովասանագրով:

Անցած ուստարում պետական, ավարտական ու միասնական քննությունները հաջողությամբ հանձնած 43 շրջանավարտներից 29-ը բուհերում զբաղեցրել են անվճար տեղեր: Ասել կուզի՝ ստացել են 18-20 միավոր: Նրանցից 15-ը այժմ ուսանում է 33 առաջնակարգ բուհերում, իսկ մեկը՝ Ռուսաստանի Դաշնության Ստավրոպոլ քաղաքում, ժողովուրդների բարեկամության ինստիտուտում: Այդ, լուսավոր այս օջախում լույս կա ու ջերմություն: Ու այդ լույսը երևում է անգամ հեռվից, քանզի այն ոչ թե կայծկլտում, այլ շողում է: Բացեք մուտքի դուռը, ներս մտեք, շրջեք միջանցքներում, եղեք ցանկացած դասարանում, ճաշարանում (դպրոցը երկարօրյա է, ունի 9 խումբ, որոնցում մինչև ժամը 4.30-ը կանոնավոր դասապատրաստում է լինում) ու կհանդգվեք, որ մաթրոնները պարզապես աչք է շոյում: Սպասքի, սննդի որակի, սպասարկման կուլտուրայի մասին խոսք լինել չի կարող: Այս ամենը, հասկանալի է, ամենօրյա հետևողական աշխատանքի, ուշադրության ու հոգածության արդյունք է:

Տնօրենն, իրոք, շատ է պահանջկոտ և ջանում է, որ բոլորն էլ (ուսուցիչ, թե աշակերտ) ժամանակին ու անթերի կատարեն իրենց պարտականությունները: Ումանք սա կարող են բժախնդրության վերադրել, բայց դա այդպես չէ:

Հստակությունը, կարգուկանոնի պահպանումը, պատասխանատվության զգացումն այստեղ նկատելի են ամեն քայլափոխի: Զգացվում է, որ ամեն մեկը գիտի իր անելիքը, իր տեղը ու դերը:

Անցկացվելիք ամեն մի միջոցառում (լինի բաց դաս, սեմինար, թե խորհրդակցություն) իր կոնկրետ ժամերը, ամիս-ամսաթիվն ունի: Սա պարզորոշ երևում է խնամքով կազմված աշխատանքային պլանից, որի ութ բաժիններից (ներդպրոցական վերահսկողության համակարգ, աշխատանք ծնողների հետ և այլն) ոչ մեկում չկա անհասցե, հենց այնպես գրված ամորոշ մի տող կամ կետ: Ի դեպ, նման կոնկրետություն ու որոշակիություն ունեցող պլաններ են կազմում նաև տեղակալները, դասղեկներն ու դաստիարակները:

Նոր ուսումնականից անցել է մի քանի շաբաթ, և տնօրենության անդամներն արդեն հասցրել են դասեր լսել 4-5 առանձին դասարաններում: Որոշակի քայլեր են արել նաև դասղեկ-դաստիարակները, մեթոդավարման նախագահները, մյուս աշխատողները:

Տնօրենը գոհունակությամբ է խոսում անցած ուստարում ԳՁԿ-ի կողմից անցկացված արտաքին ընթացիկ գնահատումների, առարկայական տասնօրյակների, միամսյակների, տնօրենության կողմից անցկացված ստուգողական գրավոր աշխատանքների, կազմակերպված բաց դասերի արդյունքների մասին:

- Դպրոցում,- շարունակում է Ս. Ներսիսյանը,- գործում է առարկայական խորհրդի հինգ մեթոդավարները: մաթեմատիկա և ինֆորմատիկա, հայոց լեզու և գրականություն, օտար լեզու, բնագիտական առարկաներ, պատմություն և հասարակագիտություն: Նշածս մեթոդավարները (ղեկա-

վարներ՝ Ս. Բաղդասարյան, Ս. Գալստյան - Լ. Սարգսյան, Ի. Պետրոսյան, Ս. Պետրոսյան, Զ. Սկրտույան) աշխատանքները կազմակերպել են պատշաճ ձևով, քաջ գիտակցելով, որ այսօր ոլորտի առջև ծառայած գերակա խնդիրն ուսման որակի բարձրացումն է:

Իսկ որակի բարձրացման միտում, իրոք, կա: Մասնավորապես, 9-րդ դասարանների բոլոր 54 աշակերտները ստացել են հիմնական կրթության ավարտական վկայականներ, ընդ որում՝ Տիգրան Դուկասյանը՝ գերազանցության նշանով: Պետական ավարտական քննությունից (հայոց լեզու, մաթեմատիկա և այլն) 18-20 միավոր են ստացել 35 աշակերտներ: Օլիմպիադայի համրապետական փուլի արդյունքներով ֆիզմաթ գրավել է առաջին տեղը՝ շահելով ինը դիպլոմ և չորս գովասանագիր: Բացի այդ, Ստեփանակերտի օրվան նվիրված շաբաթօրյակների մրցույթում մի խումբ աշակերտներ և ուսուցիչներ պարզապես են քաղաքապետ Ս. Գրիգորյանի կողմից: Իսկ «Արցախի տարածման» խորագրով ասմունքի փառատոնի երկրորդ եզրափակիչ փուլում, որը կազմակերպվել ու անցկացվել է դեկտեմբերի 22-ին՝ ԼՂՀ վարչապետ Արա Զարուբյանյանի հովանու ներքո, Աննա Բաբայանը (10-րդ «գ» դասարան) զբաղեցրել է 2-րդ տեղը:

Ինչպես են հասցնում դպրոցում թվարկյալ և մյուս բոլոր միջոցառումներն իրականացնել: Դրանում ոչ մի գաղտնիք չկա, կարծում է տնօրենը, ամեն ինչ հնարավոր է, եթե բոլորը լծվեն աշխատանքի, եթե ամեն մեկն ունենա իր բաժինն ընդհանուր գործում:

Այս հաջողություններում քիչ չէ երևանյան իրենց գործընկերների աջակցությունը: Դպրոցը գտնվում է ԵՊՀ-ին առընթեր Արտաշես Շահինյանի անվան ֆիզմաթ հատուկ կրթօջախի իրավասության տակ, որն արդեն քանի՜ տարի ղեկավարում է բազմավաստակ ուսուցիչ, մեծ անուն ու ճանաչում ունեցող մանկավարժ Զայկազ Նավասարդյանը:

- Մենք շատ գոհ ենք ամենօրյա այն ուշադրությունից, որ ցուցաբերվում է մեր նկատմամբ: Նկատելի ունեն առաջին հերթին մեթոդական ձեռնարկների, դասագրքերի խնամքը, մեզ հուզող հարցերի ու խնդիրների խելացի լուծումը,- ասում է տնօրենը,- բայց ամելիքներ էլ դեռ շատ ունենք, ուստի ուժ ու եռանդ չպիտի խնայենք նոր ուսումնականում ավելի գոհացուցիչ արդյունքների հասնելու համար: Եվ դա միանգամայն իրատեսական է, քանզի կուլեկտիվում շատ կան առողջ ուժեր, խելք ու բանիմաց ուսուցիչներ, որոնց հետ կարելի է հույսեր կապել: Ֆիզմաթ դպրոցի կուլեկտիվը ձգտում է հասնել նրան, որպեսզի իրենց սիրելի դպրոցը դառնա մի այնպիսի օջախ, ուր ինչպես ակադավոր մանկավարժ Վ. Սուլխունիսկին է բնութագրել, կթագավորի չորս պաշտամունք՝ հայրենիքի պաշտամունքը, մարդու պաշտամունքը, գրքի պաշտամունքը և մայրենի լեզվի պաշտամունքը:

Միջալել ԲԱԼՏԱՆ
20-րդ դարի Արցախի լավագույն մանկավարժ

ԽՈՍՔ
ԵՐԱԽՏԱԳԻՏՈՒԹՅՈՒՆ

Երախտագիտության խոսքեր միշտ չէ, որ կարելի է ասել ամենքին, բայց լույսի սերմնացանին շնորհակալության խոսքեր կարելի է ասել ամեն օր: Նրանք են դաստիարակում վաղվա սերնդին՝ լուսավոր դարձնելով մեր ապագան: Իրոք, կյանքի փորձով իմաստնացած մանկավարժ միշտ ապրում է սաների հաջողություններով:

Ուզում են շնորհակալություն հայտնել ԵՊՀ-ին առընթեր Ա. Շահինյանի անվան ֆիզմաթ դպրոցի Ստեփանակերտի մասնաճյուղի տնօրեն Սուսաննա Ներսիսյանին և ողջ մանկավարժական կուլեկտիվին: Ուզում են նաև իմ գոհունակությունը հայտնել 12-րդ «բ» դասարանի դասղեկ Իրա Պետրոսյանին և 8-րդ դասարանի դասղեկ Էլզա Գրիգորյանին՝ իրենց ուշադիր վերաբերմունքի և ջերմ հոգատարության համար:

Երեխաները սովորում են մի դպրոցում, որի նշանաբանն է՝ «Մեր դպրոցը մեր տունն է»:

Սիրելի ուսուցիչներ, շարունակեք ապրել բարեգործ ու ստեղծագործ կյանքով, շարունակեք սերունդներին փոխանցել ոչ միայն ձեր մասնագիտական հմտությունները, այլև ձեր արժեքավոր հատկանիշները:

Օգտվելով առիթից՝ շնորհավորում են ձեզ՝ մասնագիտական առաջիկա տոնի առթիվ, մաղթում հաջողություններ թե՛ անձնական կյանքում և թե՛ աշխատանքում:

Շնորհավոր ձեր տոնը, սիրելի ուսուցիչներ, թող ձեր օրն սկսվի և ավարտվի ծիծաղով, քանզի ձեր ծիծաղից և սրտի բարուց են ծնվում բյուր հայրենասեր սաներ: Թող ձեր ճանփին ծիածանվեն խիճղ ու սեր...

Վիկտորյա ՊԵՏՐՈՍՅԱՆ
(ՄԻՐԶԱԽԱՆՅԱՆ)
20-րդ դարի Արցախի լավագույն մանկավարժ
Ֆիզմաթ դպրոցի սաներ
Սամվել եւ Վիկտորյա Միրզախանյանների փարիկ գ. Զաթերթ

ԽՆԴԻՐ

Ուսումնական տարին մոտենում էր ավարտին: Հանրագումարի էր բերում տարվա ձեռքբերումները, ինչու չէ, նաև բացթողումները, երբ դասարանի դուռը կամացուկ բացվեց, ու ներս մտան մի խումբ ծնողներ: Նայելով նրանց դեմքերին՝ ես հասկացա, որ ինչ-որ բան նրանց մտահոգում էր, և ինձից ակնկալում են դրական պատասխան: Այս անգամ իմ հյուրերը նրանք են, ում երեխաները սովորում են հարևան գյուղերի միջնակարգ դպրոցներում: Ուստի չզարմացա, երբ հարմար տեղավորվելուց հետո նրանք հետևալ հարցն ուղղեցին ինձ.

- Դուք միջնակարգ կրթություն ո՞ր գյուղի դպրոցում եք ստացել:

Ոչ միայն ես, ինձից առաջ էլ գյուղի դպրոցի շրջանավարտներն ուսումը շարունակել են Աշանի կամ Բերդաշենի միջնակարգ դպրոցներում, իսկ վերջին տարիներից՝ նաև Սպիտակաշենի միջնակարգում: Համարյա նույն վիճակում են բոլոր փոքր գյուղերի շրջանավարտները: Ծիշտ է, 80-ական թվականների վերջերին միջնակարգ դպրոցների թիվն զգալիորեն ավելացավ, բայց, իհարկե, հնարավոր չէ, որ բոլոր գյուղերում լինի միջնակարգ դպրոց:

Ես մի պահ մտովի հետ դարձա 50-60-ական թվականները: Այդ տարիներին միջնակարգ դպրոցների թիվն անհամեմատ քիչ էր: Հետևաբար, միևնույն միջնակարգում կարող էին սովորել շատ բնակավայրերից եկածներ, և հնա-

րավոր է՝ նրանց թիվը հասնում էր մի քանի տասնյակի: Հին Աշանի դպրոցում միաժամանակ սովորում էին եմիշճանի, Սպիտակաշենի, Նորշենի, Գառու, Ավդուռի և Մյուրիշենի դպրոցների շրջանավարտները: Դպրոցն ուներ հանրակարգարան (ինտերնատ)՝ իր սպասարկող անձնակազմով: Աշակերտներն ստիպված չէին լինում ամեն օր կիլոմետրերով քայլել միջգյուղային ցեխոտ ճանապարհներով: Էլ չեն ասում, որ ծնան կարճ օրերին ժամը 9-ին դասի հասնելու համար տնից պետք է դուրս գալ ժամը 6-ին, 6.30-ին:

- Ստացվում է, որ ինչպես մեր երեխաները, հետագայում նաև նրանց երեխաները նույն ճակատագրին պետք է արժանանան: Մենք գիտենք,- իրենց խոսքը շարունակեցին գրուցակիցներս,- որ կրթության վրա պետության ուշադրությունը շատ մեծ է, և մեր բյուջեի մի զգալի մասը ծախսվում է այդ ուղղությամբ, բայց չէ՞ որ հանրապետության քաղաքացիներիս նկատմամբ պետական հոգածությունը պետք է որ նույնը լինի: Մենք ինչ՞վ ենք մեղավոր, որ փոքր գյուղում ենք ծնվել: Սկզբից մինչև վերջ մասնակցել ենք Արցախյան պատամարտին, եմբարկվում ենք պետական բոլոր օրենքներին, պետական հարկերը մոծում ենք ժամանակին (հողահարկեր, վարկեր), բայց չենք օգտվում նույն հնարավորություններից: Մեր նախադպրոցական տարիքի երեխաները մանկապարտեզի երես չեն տեսել ու չեն էլ տեսնի: Մեր նյութական

միջոցները, բնականաբար, չեն հերիքում: Ինքները պատկերացրեք. միայն Սպիտակաշենի միջնակարգը գնալ-գալու համար տարվա ընթացքում 2-3 գույզ կոշիկը չի հերիքում: Մի պահ նույնիսկ փորձեցինք մեր երեխաներին ուսման տալ Մարտունու արհեստագործական ուսումնարան, բայց էլի ստացվում է, որ մինչև Սպիտակաշենի դպրոցը պետք է դարձյալ ոտքով գնան, որովհետև սպասարկող ավտոբուսի երթուղին մինչև այդտեղ է: Ուսումնարանն էլ հանրակարգարան չունի, էլ չենք ասում ավտոբուսով երեխաների տեղափոխման վտանգի գործոնի մասին: Այս բոլորն ազդում է գյուղի երիտասարդության արտահոսքին. երբ պայմանները բավարար չեն, երիտասարդները չեն ամրանա գյուղում:

Այ, եթե ենթաշրջանի դպրոցներից մեկում լինեք հանրակարգարան՝ սպասարկող անձնակազմով, հնարավոր կլինեք շրջակա գյուղերի շրջանավարտներին այդտեղ ուղղորդել: Համոզված եղեք, որոշ մարդկային արժեքներ էլ կծակվորվեն ու կզարգանան՝ ընկերափորություն, վարվելակերպ, համատեղ ապրելու կուլտուրա (որն անհրաժեշտ է նաև բանակում), միմյանց նկատմամբ վստահություն և այլն: Չի լինի՞, որ նյութապես օգնեն ման ընտանիքներին:

Ես հայտնվել էի, քիչ է ասել, անհարմար վիճակի մեջ, որովհետև նրանց հարցերին լուծում տալու ուղի չէի տեսնում: Միակ բանը, որով փորձեցի սփոփել նրանց, այն էր, որ իրենց մտահո-

գություններին (որը միայն իրենցը չէ) կփորձեն թերթի միջոցով ծանոթացնել համակարգի աշխատողներին: Գուցե թե լուծման ավելի արդիական ուղիներ մատնանշեն: Չմոռացա նաև շեշտել, որ պետությունը միջոցներ չի խնայում բոլոր բնակավայրերում դպրոցներ բացելու համար, ուժեղ թափով առաջ է տանում դպրոցաշինության, դպրոցների կահավորման, տեղեկատվական ժամանակակից տեխնիկայով ապահովելու գործը: Գուցե կգա ժամանակ, որ այդ հարցերն էլ լուծում կստանան:

Ինձ համար պարզ դարձավ, որ կրթության ամենօրյա խնդիրներին անդրադառնալիս ակնհայտ է դառնում կրթության կառավարման գործում հասարակության ներգրավման անհրաժեշտությունը: Այսօր այդ պահանջը հնչում է պետական մակարդակով: Ազգային առաջնային խնդիրներից մեկը կրթության կառավարմանը հասարակության մասնակցությունն ընդլայնումը և կրթությունը հանրության համար բաց համակարգ դարձնելն է: Հանրակրթական դպրոցը՝ որպես սոցիալական պատվեր կատարող, պետք է որ լսի հասարակության ձայնը, իմանա նրա կարծիքը կրթության բնագավառի արդիականացման մասին. չէ՞ որ հասարակության լայն զանգվածները հենց աշակերտների ծնողներն են:

Լեան ԱՌԱՔԵԼՅԱՆ
գ. Եմիշան

ՎԱՍՆ ԱՆԿԱՆՈՒԹՅԱՆ

ԹՇՆԱՍՈՒ ՍԱՌԸ ՇՆՉԻՑ ԷԼ ՉԻ ԹՈՇՆԻ ԴԱՇՏԻԴ ԾԱՂԻԿԸ

Ընդհանրապես, սխալ կլիներ կարծել, թե Արցախյան շարժումը հասունացել է միայն վերջին տասնամյակների ընթացքում: Այսպես մենք կժխտեինք ազատագրական պայքարը՝ սկսած վաղ ժամանակներից, որոնք արտա-ցույցվել են զինված պայքարով, պայմանագրա-յին համաձայնություններով: Հիշենք, որ մենք հարցերը լուծել ենք մեծ մասամբ ոչ պայմա-նագրային համաձայնությամբ: Ունենալով օր-յեկտիվ և սուբյեկտիվ պայմաններ՝ 1980-ական թվականների վերջին մեր Շարժումը հասավ իր գագաթնակետին: Այստեղ առան-ձին զգուշությամբ պետք է մոտենանք վերա-կառուցման բաղկացուցիչ մաս կազմող հրա-պարակայնությանն ու դեմոկրատացմանը, որն էլ հիմնաքար էր ազգային գարթոնքի հա-մար:

Արցախահայությունը 1920-ական թվա-կաններին ծխացող հարցը նորից բարձրաց-րեց, քանի որ Ադրբեջանը ԼՂ-ի մարզում բա-ցահայտ հակահայկական քաղաքականու-թյուն էր վարում: Նրանց նպատակն էր ԼՂ-ն հայաթափ անել՝ ինչպես դա արվեց Նա-խիջևանի դեպքում: Եթե շարունակվեր, սպի-տակ եղեռնն անպայման կկրկնվեր և Արցա-խում: Ադրբեջանն օգտագործում էր բոլոր մի-ջոցները նպատակին հասնելու համար, կյան-քի տարրական պայմանների բացակայու-թյունն արագացնում էր արտագաղթը հայրե-նիքից, ոտնահարվում էին հայ բնակչության մարդկային իրավունքները, ազգային արժա-նապատվությունը: Ավելի խորանալով՝ հանգ-ում ենք նրան, որ Ադրբեջանը ցանկանում էր վերացնել հայի ազգային առանձնահատկու-թյունները՝ լեզուն, սովորույթներն ու ավան-դույթները:

1988թ. փետրվարի 20-ին ԼՂԻՄ մարզ-խորհրդի 20-րդ գումարման նստաշրջանը ԽՍՀՄ սահմանադրության համապատաս-

խան որոշում ընդունեց՝ դիմել Ադրբեջանա-կան ԽՍՀ-ին, Հայկական ԽՍՀ-ին և ԽՍՀՄ ԳԽ-ին՝ ԼՂԻՄ-ը Ադրբեջանի կազմից դուրս բերելու և Հայաստանի կազմը մտցնելու մասին: Մեր շարժման մեջ ոչ մի ծայրահեղականություն չկար: Շարժմանը մասնակցում էին ոչ թե առանձին մարդկային խմբեր, այլ դա համա-ժողովրդական ազգային-ազատագրական շարժում էր, որի ղեկավարները գիտության և մշակույթի նշանավոր անձինք էին ու պետա-կան գործիչներ, չէր գործադրվում սահմա-նադրական խախտում: Այնուամենայնիվ, ԽՍՀՄ-ը այն որակեց որպես ծայրահեղական:

Արցախյան պայքարը քաղաքական բնույթ ուներ, որովհետև մենք պայքարում էինք իշ-խանափոխության և ազգային ինքնորոշման համար: Խորհրդային Միությունը բացասա-կան վերաբերմունք ուներ, պարզ է, և ամեն ջանք գործադրում էր հարցը լուծել տնտեսա-կան ճանապարհով, որն, անշուշտ, մեզ կտա-ներ դեպի պարտություն: Խորհրդային միու-թյան կառավարությունը Ադրբեջանին տրա-մադրեց 400 միլիոն ռուբլի՝ Լեռնային Ղարա-բաղի Ինքնավար Մարզի գյուղերը բարեկար-գելու նպատակով: Սակայն այս վճռորոշ ժա-մանակաշրջանում Ադրբեջանը շարունակեց իր սկսած քաղաքականությունը և բարենորո-գումներ կատարեց ԼՂԻՄ-ի միայն ադրբեջա-նաբնակ գյուղերում: Բայց արդյո՞ք մենք կբա-վարարվեինք, եթե հայաբնակ գյուղերում բա-րենորոգումներ կատարվեին: Իհարկե՞ ո՛չ: Այդ խաբեկանքը մեզ համար չէր: Ադրբեջանը մեր շարժումը կասեցնելու համար նույնիսկ դիմեց ծայրահեղ միջոցների. հայ բնակչության ջար-դեր կազմակերպեց Սուճալիթում, Բաքվում, այնուհետև՝ բռնագաղթ: Սակայն դա ոչ թե ջլատեց մեր ուժերը, ոչ թե հուսահատվեցինք, այլ ավելի համախմբվեցինք՝ մեր արդար պա-հանջն ի կատար ածելու:

Դեկտեմբերի 7-ի երկրաշարժը ծանր կա-ցության մեջ դրեց Հայաստանին: Բնական աղետի վնասները վերականգնվում էին, բայց մեծ դժվարությամբ, որի հիմնական պատ-ճառներից մեկն Ադրբեջանի կողմից շրջափա-կումն էր: Գլխավորն այն է, որ մենք կարողա-ցանք շրջանցել բոլոր դժվարությունները՝ կապված նաև ադրբեջանցիների կողմից հայ բնակչության բռնագաղթի հետ, որն ընթանում էր կոտորածով, թալանով, հրդեհումներով, անմարդկային վերաբերմունքով: Առանց այն էլ շիկացած իրադրության վրա յուր լցնել էր 1991թ. մարտի 17-ի ԽՍՀՄ միավորիչ համագ-ումարին Հայաստանի չմասնակցելը: Կենտ-րոնը ձեռնարկեց պատասխան քայլեր, և 1991թ. ապրիլի 30-ից խորհրդային գործերն Ադրբեջանի միլիցիայի հատուկ ջոկատների մասնակցությամբ հարձակում ձեռնարկեցին Հայաստանի սահմանամերձ և Արցախի են-թաշրջանների հայկական բնակավայրերի վրա: Լայն հարձակումով հայաթափ արվեցին երկու տասնյակից ավելի հայկական գյուղեր, տասնյակ մարդիկ պատանդ տրվեցին Ադրբե-ջանին:

Չնայած Արցախում դրությունն օրհասա-կան էր, բայց անկախության գաղափարը զարթոնք ապրեց Հայաստանում, և 1991թ. սեպտեմբերի 21-ին Հայաստանը հռչակվեց անկախ պետություն: Պատերազմական գոր-ծողությունների ընթացքը բավականին թեժ էր, բայց 1991թ. սեպտեմբերի 2-ին ԼՂ մարզային և Շահումյանի շրջանային խորհուրդները, հաշվի առնելով արցախահայության կամքը, ընդունեցին «Հռչակագիր ԼՂՀ հռչակման մա-սին», իսկ դեկտեմբերի 10-ին քվեարկեցին անկախության օգտին:

1992թ. սկսվեց ռազմական հաջողություն-ների ժամանակաշրջանը: 1992թ. մայիսի 9-ի ռազմական օպերացիան՝ Շուշին ազատագ-

րելու նպատակով, հաղթական ավարտ ունե-ցավ: Մեկը մյուսի հետևից ազատագրեցինք Լաչինը, որը պակաս կարևոր չէր, ազատագր-վեց Մարտակերտի ու Շահումյանի մեծ մասը, ոչնչացվեցին գլխավոր ռազմակետերն Ադրա-մուն, Ջանգելանում, Կուբաթլուում, Քելբաջա-րում: Այստեղ առանց օգնության հնարավոր չէր: Աշխարհի որ ծայրից ասես որ մեր սիռ-ված հայերը չեն արձագանքել՝ մեր պատմու-թյան վերջին էջը չըրջելու համար: Ճիշտ է, մեզ հաջողվեց հաղթել անհավասար կռվում, բայց ունեցանք բազում զոհեր ու վիրավորներ: Հայ-րենասիրության միևնույն աղբյուրից սնված հայ քաջարի մարտիկներն ազատագրեցին Արցախը. ո՞ր մեկին հիշենք, նրանցից ամեն մեկը մի լեզենդ է, առասպել, արիության մարմնացում ու հայ զինվորի իսկական տի-պար:

Ողջ հայության մասնակցությամբ մենք այ-սօր ունենք ազատ ու անկախ Արցախ, որը վայելում է Գոյամարտի արդյունքները: Դրանք հիմք են տալիս ևս մեկ անգամ ասելու, որ մենք ենք մեր երկրի տերը: Ունենք պետական խորհրդանիշներ՝ դրոշ, զինանշան, օրհներգ, սահմանադրություն: Պետական լեզուն մեր հանրապետությունում հայերենն է: Ունենք պետական կառավարման մարմիններ և հու-սալի հենարան՝ ի դեմս Արցախի պաշտպա-նության բանակի: Հայրենիք իմ, որդիներդ պատրաստ են քո հաղթական արդյունքների շարքը համալրել նորանոր հաջողություննե-րով, միայն թե թշնամու սառը շնչից չթռչնի դաշտիդ ծաղիկը, և մենք միշտ հայ զգանք պապերից ավանդ ստացած մեր հայրենիքում:

Պայանե ՄԱԹՎՈՍՅԱՆ
Քերթի Կ. Հակոբյանի անվան միջև-դպրոցի ուսուցչուհի

ՀԱՅՐԵՆԻՔԻ ՆՎԻՐՅԱԼ ԶԱՎԱԿԻ ՀԻՇԱՏԱԿԻՆ



Սեպտեմբերի 13-ին Նորադյուղի միջնակարգ դպրոցում կազմա-կերպվեց հուշ-ցերեկույթ՝ նվիրված զոհված ազատամարտիկ Վիտալի Պետրոսյանի ծննդյան 52-րդ տարե-դարձին: Վիտալի Պետրոսյանն Ար-ցախյան գոյամարտի նվիրյալներից է, ով փափագում էր հարազատ բնօրրանը տեսնել ազատ ու ան-կախ: Նա իր հայրենասիրական զգացմունքներն արտահայտում էր կտավի միջոցով, որոնցում պատկե-րում էր Մասիս սարը՝ հայերիս հա-մար դեռևս անհաս բաղձանքը, հա-րազատ գյուղի հրաշալի բնությունը:

Հուշ-ցերեկույթին ներկա էին Վ. Պետրոսյանի հարազատները, դպրոցի ուսուցչական և աշակեր-տական կոլեկտիվները, մարտա-

կան ընկերներ, զինվորականներ: Դպրոցի կազմակերպիչ Լիդա Հա-րիյանը բացեց միջոցառումը, որից հետո հնչեց Արցախի օրհներգը: Ներկաները ծաղիկներ տեղադրե-ցին Արցախյան ազատամարտում զոհված նորագյուղիների հիշա-տակը հավերժացնող վահանակին: Ապա Վիտալի Պետրոսյանի, ում անունն այսօր կրում է Նորադյուղի միջնակարգ դպրոցը, կյանքի ու գործունեության մասին զեկու-ցումով հանդես եկավ դպրոցի զին-դել Արթուր Հայրապետյանը:

- Սովորելով Երևանի պոլիտեխ-նիկ ինստիտուտում՝ Վիտալին ուս-մանը զուգահեռ հաճախում էր նաև գեղանկարչության դասընթացներին: Ավարտելով ինստիտուտը՝ ստացել է ինժեներ-էներգետիկի մասնագի-տություն: Վերադառնալով հայրենի գյուղ՝ աշխատել է կոլտնտեսությու-նում: Ազատ ժամերին զբաղվում էր նկարչությամբ: Նկարել է Կարկառի հովիտը պատկերող կտավ՝ իր մար-դաշատ գյուղերով, բնության բա-զում տեսարաններով: Երբ Հայաս-տանի ժողովրդական նկարիչ Հրաչ-յա Ռուխկյանը տեսել է նկարը, շատ է զարմացել. «Բազմափորձ նկարի-չը ռիսկ չի անի այսպիսի մեծ գործ սկսել: Այս ուսանող տղան ինչպե՞ս է այսպիսի մեծ կտավ սկսել ու կարո-ղացել տակից դուրս գալ: Այդպես համարձակ կարող է լինել միայն

դարաբաղցին»:
Վիտալի Պետրոսյանի ստեղծած այդ հոյակերտ կտավի շարունակու-թյունը եղավ նրա մաքառումներով լի կյանքը: Հարևան հոջալուն հան-գիստ չէր տալիս նորագյուղիներին: Վիտալին եղբայրների հետ ինքնաշեն հրանոթ պատրաստեց, որի առաջին զարկը թշնամու մոտ խուճապ առաջացրեց: Երկար ու բու-վանդակալից էր Վիտալի Պետրոս-յանի մարտական ուղին: Նա միշտ կռվողների հիվանդությունը նրան հետ չպահեց մարտական գործողու-թյուններին մասնակցելուց:

1994 թվականի ապրիլի 13-ին թեժ մարտում ընկավ հայրենիքի քաջ զինվորը: Մարտական գործո-ղություններին ակտիվ մասնակցե-լու և ցուցաբերած խիզախության համար 1995 թվականին ԼՂՀ նա-խագահի հրամանագրով Վիտալի Պետրոսյանը հետմահու պարգևատրվել է «Մարտական խաչ» երկրորդ աստիճանի շքանշա-նով: Փա՛ռք ու պատիվ Արցախյան ազատամարտի բոլոր մասնակից-ներին և հավերժ փա՛ռք բոլոր նա-հատակներին:
Այնուհետև ելույթի համար խոս-քը տրվեց շեֆ գործամասի՝ տանկա-յին բրիգադի կապիտան Սարգսյա-նին:
- Այսօր հայոց երկնակամարում

թևածում է հարաբերական խաղա-ղությունը: Արցախյան ազատամար-տում մենք հաղթեցինք ոգու ուժի շնորհիվ: Ես հպարտ եմ, որ ներկա-յիս սերունդը չի մոռանում անցյալը, ի դեմս Վիտալի Պետրոսյանի՝ իր հարգանքի տուրքն է մատուցում մարտիրոսված բոլոր մարտիկների հիշատակին: Վստահ եմ, որ միասին ենք պաշտպանելու ու պահպանելու Արցախ աշխարհի անկախությունը:

Ներկաների հետ իր հուշերը կի-սեց Վիտալի Պետրոսյանի մարտա-կան ընկեր, Արցախյան շարժման ակտիվիստ Սլավիկ Առուշանյանը:
- Վիտալի Պետրոսյանն ինձ հա-մար շատ թանկ մարդ է եղել, ու այժմ ինչքան էլ փորձեմ պատմել նրա մա-սին, միևնույն է, նրա կերպարն ան-բողջական չեմ կարող ներկայաց-նել: Նա իսկական հայրենասեր էր: Մեր վերջին հանդիպման ժամանակ նկատեցի, որ Վիտալիի առողջա-կան վիճակը լավ չէ: Հորդորեցի, որ զբաղվի իր առողջությամբ, բայց հրաժարվեց: Շրջանի ղեկավարը Վիտալիին աշխատակազմում գործ էր առաջարկել, ասացի՝ ինչո՞ւ չես համաձայնվում, միանգամից առող-ջությանդ հարցն էլ կկարգավորես: Նա, սակայն, պատասխանեց. «Մինչև Արցախում խաղաղություն չտիրի, ես զենքս վայր չեմ դնի»: Իր ասարած կարճ, բայց բովանդակա-լից կյանքով Վիտալին ավագուցեց,

որ հայրենիքի նվիրյալ զավակ է:
Նորագյուղի ազատամարտիկ-ների միության մասնաճյուղի ղեկա-վար Վիտալի Պետրոսյանի եղբայր Վլադիմիր Պետրոսյանը շնորհակա-լություն հայտնեց դպրոցի տնօրե-նությանը, ուսուցչական և աշակեր-տական կոլեկտիվներին՝ դպրոցում պարբերաբար նման միջոցառում-ներ կազմակերպելու համար: «Հի-րավի, մեծ է դրանց դերն ու նշանա-կությունը ապրողներիս հիշողու-թյունը մշտաբար պահելու համար: Եղբայրս ուսման գերազանցիկ էր, խաղաղ պայմաններում իրեն դրսևորեց իբրև մարդկային վեժ ար-ժանիքներով օժտված անձնավո-րություն, իսկ ահա ռազմի դաշտում աչքի ընկավ քաջությամբ ու հատ-կապես՝ հայրենասիրությամբ»:

Դպրոցի աշակերտները հանդես եկան Վիտալի Պետրոսյանին ծոն-ված բանաստեղծություններով, հայրենասիրական երգերի կատա-րումներով:
Նախօրյակին՝ Վիտալի Պետ-րոսյանի ծննդյան 52-րդ տարեդար-ձին նվիրված, նույնպես ավանդա-կան դարձած, ֆուտբոլի հուշամր-ցաշար էր կազմակերպվել: Արցա-նակային տեղեր զբաղեցրած թիմե-րը միջոցառման ժամանակ պարգևատրվեցին դպրոցի տնօրե-նի պատվոգրով:

Անահիտ ՊԵՏՐՈՍՅԱՆ

ՄԵԹՈՂԱԿԱՆ

ԱՇԿԵՐՏՆԵՐԻ ԽՈՍՔԻ ԶԱՐԳԱՑՈՒՄԸ ԳՐԱԿԱՆՈՒԹՅԱՆ ԴԱՍԵՐԻՆ

Ստեղծագործական որոնումներ

Դպրոցը ոչ միայն կրթում է իր սաներին, նրանց ուսուցանում գիտության հիմունքները, այլև դաստիարակում է նրանց, հսկայական դեր է կատարում մարդու մեր վաղվա քաղաքացու ձևավորման գործում: Իսկ չի կարելի կրթված ու բազմակողմանի զարգացած մարդուն պատկերացնել առանց լեզվի բարձր կուլտուրայի, առանց կիրթ խոսքի: Մայրենի գրական լեզվով կիրթ խոսելն ու գրելը մարդու ընդհանուր զարգացածության և վարքագծի էական հատկություններից մեկն է:

Դպրոցի ներկա փուլում, երբ պահանջվում է ուսուցումն ամեն կերպ կապել կյանքի հետ, հրամայական է դառնում աշակերտների խոսքի զարգացման ու հարստացման հարցը: Իսկ խոսքի զարգացումը մեկ-երկու տարում չի ավարտվում. մարդն իր ողջ կյանքում սովորում և հարստացնում է իր խոսքը նոր բառերով, դարձվածքներով ու քերականական-ոճական ձևերով: Յուրաքանչյուր աշակերտ, անկախ այն բանից, թե վաղն ինչ մասնագիտություն է ընտրելու, պարտավոր է դպրոցում խորությամբ, կատարելապես տիրապետել մայրենի լեզվին, յուրացնել նրա բոլոր հարստությունները, ընկալել նրա ամբողջ գեղեցկությունն ու հմայել, սովորել հստակ, պատկերավոր խոսել և շարադրել իր մտքերը: Այդ խնդրին առավել մեծ ուշադրություն են դարձնում հայոց լեզվի և գրականության ուսուցիչները:

Գրականության յուրաքանչյուր դաս ստեղծագործական մտքի թռիչք է, երևակայության պայծառացում, հարողորակում՝ բարոյականի, գեղեցիկի, վեհի հետ: Եվ գրականության յուրաքանչյուր դաս պետք է ծառայի ոչ միայն աշակերտներին գրողների կյանքի, ստեղծագործությունների մասին հարուստ տեղեկություններ հաղորդելուն, այն նաև պետք է նպաստի աշակերտների գեղեցիկ խոսքի զարգացմանը: Մայրենի լեզվի յուրաքանչյուր դաս պիտի ունենա խոսքի զարգացման բաժին՝ անկախ դասի տեսակից, անցնելիք նյութից: Լեզվական բոլոր թեմաները ևս պիտի ծառայեն աշակերտների խոսքի զարգացմանը: Իսկ բանավոր և գրավոր խոսքի զարգացման միջոցները բազմազան են: Ծրագրային յուրաքանչյուր նյութին համապատասխան ուսուցիչը պիտի կատարի խոսքի զարգացմանը նպատակաուղղված տարբեր աշխատանքներ:

Այսպես, Ստեփան Զորյանի «Պապն ու թռուղ» պատմվածքը 6-րդ դասարանում ուսուցանելիս բանավոր և գրավոր խոսքի զարգացման համար հանձնարարում են այսպիսի առաջադրանքներ:

Առաջադրանք առաջին: Տեքստից նախապես առանձնացնում են մի նախադասություն, գրում գրատախտակին և պահանջում սովորողներից՝ տվյալ նախադասությանը համապատասխան խոսք ստեղծել:

Դիցուք սա. «Առվի քջջոցի հետ եփրեմ պապի ակնաջին եր հասնում և թռչունների երգը, և՛ խոտերի շրշույնը, և՛ հովից օրորվող թփերի շշույնը, իսկ հեռվից գալիս էր դարձյալ եկեղեցու զանգերի ձայնը ու խառնվում անուռառի խշշոցին»:

Օգնության կարգով տալիս են թեմատիկ բառախումբ (գետ, խշշոց, լռություն, ձոր, անտառ, սյուր, ըմբռնված): Ամփոփապես գործի են դրվում երեխաների երևակայությունը, պատկերավոր, դիպուկ բնորոշումները, պատմում են հորինելով, ստեղծագործելով:

Առաջադրանք երկրորդ: Իմ օգնությամբ նույն տեքստից առանձնաց-

նում են գեղեցիկ ու դիպուկ արտահայտություններ:

«1. Ահա նրա ակնաջին եր հասնում հինավուրց անտառի խշշոցը, որ նման էր գետի տևական շառաչի: 2. Անտառը խշշում էր այնպես, կարծես բոլոր ծառերը միասին երգ էին ասում»:

Իմ պահանջով աշակերտները, տեքստին հարազատ մնալով, հորինում են կապակցված խոսք: Բացատրում են, որ նման գեղեցիկ ոճն ու դիպուկ արտահայտությունները խոսքին հաղորդում են գունդեղություն, հյութեղություն ու պատկերավորություն: Սովորողների բառապաշարը հարստացնելու նպատակով ավելացնում են այդ շարքը. *թռչունների զվարթ ճովողուն, հովաասուն ծառեր, ոսկեշող աշուն, հասուն հատապտուղներ, գմրուխոյա գետակ, տերևների ստափ:* Ապա պահանջում են տրված բառակապակցություններն օգտագործել կապակցված խոսքում: Դասարանի ակտիվ մասնակցությամբ ծայր է առնում բանավոր խոսքը, կազմում են նախադասություններ, կապ ստեղծում դրանց միջև, ապա շարադրում գրավոր:

Բանավոր և գրավոր գեղեցիկ խոսք ստեղծելուն մեծապես նպաստում է տարբեր բովանդակությամբ նկարների ցուցադրումը: Տեղին է հիշել ռուս անվանի մանկավարժ Կ. Ուշինսկու ասածը. «Բավական է նկարը տանել դասարան, և համբերել էլ կխոսեն»:

Առաջադրանք առաջին: Գրատախտակին փակցնում են գարունը պատկերող մի նկար, պահանջում ստեղծել կապակցված խոսք ու վերնագրել: Օգնության կարգով գրատախտակին գրում են առաջին նախադասությունը: Այնուհետև համառոտ գրում են երկրորդ նախադասությունը և պահանջում դարձնել ծավալուն: Իհարկե, այստեղ աշակերտները գործի են դնում լեզվական կարողությունները ևս:

Նման աշխատանք հաճախ են կատարում համակարգչային կաբինետում: Աշակերտներից յուրաքանչյուրը Paint գրաֆիկական խմբագրիչում ստեղծում է բնութային պատկերներ:

Առաջադրանք երկրորդ: Փակցնում են մի նկար, պահանջում այն վերնագրել և կազմել կապակցված խոսք, որի համար տալիս են թեմատիկ բառախումբ (երկիր դրախտավայր, նախշագարդ խաչքարեր, գմրուխոյա լեռներ, ազատաբաղձ հոգի, աշխատասեր ժողովուրդ, պաղպաջուն աղբյուրներ): Դասարանի ակտիվ մասնակցությամբ յուրաքանչյուր նախադասություն խմբագրվում է իմ կողմից, և ստացվում է մի տեքստ, որն էլ վերնագրում են աշակերտները: Իհարկե, ընթացքում ուղղություն են տալիս նրանց մտքերին և հետևում, որ բանավոր ճիշտ արտահայտվեն, ուշադիր լինեն նախադասության կառուցվածքին, խոսքի գեղեցկությանը:

Բանավոր խոսքի զարգացմանը նպաստող գործոններից է նաև ճանաչողական խնդիրների կամ առաջադրանքների արդյունավետ կիրառումը: Այս դեպքում ողջ ծանրությունն ինձ վրա են վերցնում՝ մշակելով դասայնության կառուցվածքը համապատասխան այնպիսի խնդիրներ ու առաջադրանքներ, որոնք աշակերտներին կնդնեն որոնողական-ստեղծագործական աշխատանքի: Այսպես, 5-րդ դասարանում Ս. Կապուտիկյանի «Խոսք իմ որդուն» բանաստեղծությունն ուսումնասիրելիս, նյութի բովանդակությունից ու նպատակից ելնելով, աշակերտներին են հասցնում բնարական հերոսի հոգե-

կան ապրումները, որպեսզի երեխաները հուզվեն և ապրեն դրանցով, դաստիարակվեն հեղինակի պատգամներով, դրսևորեն իրենց անհատական վերաբերմունքը: Այս առաջադրանքները տալիս են թեմայի ուսուցման ողջ ընթացքում: Այսպես. 1. *Ի՞նչն է ձեզ համար ավելի տպավորիչ այս բանաստեղծության մեջ: 2. Ինչպե՞ս եք հասկանում հեղինակի տված պատգամը: 3. Ի՞նչ է նշանակում՝ մեր ավեհեր հայոց լեզուն:*

Համապատասխան մեկնաբանություններից հետո ամբողջացնում են խոսքը: Սովորողների մեջ գիտակցական վերաբերմունք, սեր ու հետաքրքրություն առաջացնելու նպատակով իմ խոսքը համեմուն են լեզվի մասին մեծերի ատյթներով, ընթերցում են նաև հատվածներ մայրենի մկրված տարբեր բանաստեղծություններից:

Այնուհետև հանձնարարում են շարադրություն: Առաջադրում են հետևյալ վերնագրերը. «Մեր մայրենի լեզուն», «Անաղարտ պահիր քո մայրենին», «Մետրոպոլիտան հայոց լեզուն»: Օգնության կարգով տալիս են թեմատիկ բառեր և բառակապակցություններ:

Նման ձևով կարելի է մատուցել հաջորդ՝ Նաիրի Զարյանի «Հայոց լեզուն» բանաստեղծությունը:

Աշակերտների պատկերավոր խոսքի զարգացմանը մեծապես նպաստում են գեղարվեստական գրականության ընտիր հատվածների մեկնաբանումն ու վերաբարտարումը: Այդ գրական նյութերի վրա պետք է զարգացնել սովորողների պատկերավոր մտածողությունն ու խոսքը:

Գեղեցիկ խոսք ունենալու համար աշակերտները պետք է ունենան նաև հարուստ բառապաշար: Աշակերտի բառապաշարի հարստացման խնդրում պետք է հետևողական լինել և պահանջկոտ, աշխատել որոշակի սկզբունքով՝ միշտ հնի վրա նորն ավելացնելով: Եվ երբ խոսում ենք աշակերտի բառապաշարի հարստացման մասին, նկատի ունենք նրա գործուն բառապաշարը, օգտագործած բառերը: Սա նշանակում է, որ մենք չպետք է բավարարվենք միայն անծանոթ բառերի բացատրությամբ, պետք է այդ բառերը գործածել տանք, դարձնենք աշակերտի սեփականությունը:

Աշակերտի բառապաշարի հարստացման կարևոր միջոցներից մեկը գեղարվեստական ստեղծագործության մեջ հանդիպող անծանոթ բառերի բացատրությունն է, նրանցով աշակերտի խոսքը հարստացնելը: Պետք է հասնել այն բանին, որ աշակերտներն իրենք կարողացած գրքերում պատահած բառերը բառարաններով սովորեն, հույսները չդնեն միայն ուսուցչի վրա:

Բառը հիշելուն օգնում է դրանց գործածությունը նախադասություններում, շարադրություններում, մի խոսքով՝ իրենց խոսքում:

Գրականության դասերին գրական-գեղարվեստական բնագրերի, բանաստեղծությունների ուսումնասիրումը կարելի է դիտել իբրև յուրահատուկ համագործակցություն: Համագործակցությունն ոչ միայն մեր և աշակերտի միջև, այլև անուղղակի ձևով՝ ուսուցման աշխատանքներին մասնակցում է նաև գրական երկի հեղինակը: Դասի ընթացքում աշակերտներին մղում են աշխատել, որոնել, գտնել, համաձայնել կամ չհամաձայնել հեղինակի հետ, հիմնալ կամ բնմտաբանել նրան բառերի, պատկերավոր արտահայտությունների օգտագործման առումով:

Շնորհավորանք

ՎԱՏՄԻ ՈՒ ԿԱՏԱՐԵԼՈՒԹՅԱՆ, ԲԱՐՈՒ ՄԵՐՄԱՑԱՆ ԴԵԿԱԿԱՐԸ



Երջանիկ է այն սերունդը, ում բախտ է վիճակվել աշակերտել Ե. Չարենցի անվան հ. 7 հիմնական դպրոցի տնօրեն, հայոց լեզվի և գրականության ուսուցչուհի Անահիտ Պողոսյանին: Նրա համար չկա ավելի կարևոր ու պատասխանատու առաքելություն, քան սերունդներ կրթելն ու դրա միջոցով հայ ժողովրդի վաղվա օրը կերտելը, կյանք մտնելու նախաշեմին առաջին քայլերն ուղղորդելը:

Ծնվել է 1963թ. սեպտեմբերի 28-ին, Ստեփանակերտ քաղաքում, Իվան և Լուսինյան-Բարձրանյանների համերաշխ ու օրինապաշտ մեծ ընտանիքում (5 երեխա): Հայրը տարիներ շարունակ ծառայել է նախկին ԽՍՀՄ իրավապահ մարմիններում, մայրը եղել է համեստ, պատասխանատու, գործին նվիրված դաստիարակ: Արյան կանչի ու ժառանգաբար փոխանցված լավագույն որակների շնորհիվ Անահիտ Պողոսյանը ձեռք է բերել երկու մասնագիտություն. իրավաբան է՝ հմուտ գիտելիքներով և գրականագիտական ճոխ բառապաշարով Ե. Չարենցի անվան հ. 7 հիմնական դպրոցը ղեկավարող ուսուցիչ:

Նա իր առիթնորդ հայացքով ու երգեցիկ ձայնով (ուճի երաժշտական մեծ ունակություն), ճոխ բառապաշարով, ճարտար խոսքով յուրաքանչյուր գրականության դաս վերածում է դաս-միջոցառման: Կարողանում է աշակերտներին զգալ տալ գեղարվեստական խոսքի հմայքը, գեղարվեստի պատկերավորման հնարների ու արտահայտչական միջոցների բազմազանությունը: Հայոց լեզուն է մայրենի մկրյալի տարբերը:

Եվ պատահական չէ, որ թե՛ օլիմպիադաներում, թե՛ շարադրություններում, ևսամունքի և թե՛ քաղաքային միջոցառումներում նրա աշակերտները գրավում են առաջնակարգ տեղեր:

Ուր էլ լինի, որտեղ էլ գտնվի, նա իր շուրջը ստեղծում է խաղաղ, կենսաբար մթնոլորտ: Միշտ պատրաստակամ արձագանքում է հասարակական կյանքում տեղի ունեցող իրադարձություններին, կրթական բարեփոխումների ակտիվ ջատագով է:

Շուրջ 30 տարվա մանկավարժական փորձը, իմաստուն խրատները, անսահման սերն ու նվիրվածությունը սիրած գործի հանդեպ տվել են իրենց հասուն պտուղները: Առիթավատչյան՝ նրա աշակերտներն ամենուր հասել են հաջողությունների ու դարձել հասարակության պիտանի և պարզապես՝ լավ մարդիկ:

Տիկին Պողոսյանը Ե. Չարենցի անվան դպրոցի լավագույն աշակերտներից է եղել, աշակերտական տարիներին միշտ աչքի է ընկել և՛ ուսման մեջ, և՛ դպրոցի հասարակական կյանքում:

Դեռ դպրոցական տարիներին ուխտել է՝ դպրոցն ավարտելուց հետո կդառնա մանկավարժ և անպայման կվերադառնա հարազատ դպրոց:

Նա դպրոցն ավարտել է գերազանց գնահատականներով, իսկ համալսարանը՝ կարմիր դիպլոմով և հիմա էլ հաջողությամբ ղեկավարում է մի մեծ կոլեկտիվ:

Նրա ղեկավարության օրոք Ե. Չարենցի անվան հ. 7 հիմնական դպրոցը ճանաչվել է «Լավագույն դպրոց»: Կրթօջախն ունի մեծ հաջողություններ թե՛ ուսումնական գործում, թե՛ արտադասարանական ու արտադպրոցական միջոցառումներում:

Ա. Պողոսյանը շատ աշխատասեր ու պահանջկոտ, հմուտ ղեկավար է: Պատասխանատվության վեհ զգացումով, մարդկային բնավորության լավագույն գծերով օժտված ղեկավարը նաև լավ հոգեբան է, կարող է յուրաքանչյուրին ճիշտ հասկանալ և օգնության ձեռք մեկնել: Կա հմայիչ է և՛ խոսքով, և՛ գործով:

Նա նաև հասարակական ակտիվ գործիչ է: Ընտրվել է Արցախի պետական համալսարանի խորհրդի քարտուղար և պատասխանատվության բարձր զգացումով է կատարում այդ պարտականությունը:

Տիկին Պողոսյանը սերտ կապի մեջ է ծնողական հասարակության հետ, հաճախ է հանդես գալիս «Ծնողական համալսարան»-ի նիստերում, ծնողներին հուզող հարցերին տալիս լիարժեք պատասխաններ: Վայելում է մանկավարժական, ծնողական և աշակերտական կոլեկտիվների սերն ու հարգանքը, որոնք էլ իրենց շնորհակալությունն են հայտնում նրան՝ իրենց հանդեպ ունեցած ուշադիր վերաբերմունքի և անաչառ ղեկավար լինելու համար ու սրտանց շնորհավորում են ծննդյան օրվա առթիվ, մաղթում արևշատություն և հետագա բեղմնավոր աշխատանք մատաղ սերնդի կրթության և դաստիարակության գործում:

Նա նաև անզուգական մայր է, ինքնամոռաց նվիրումով մեծացնում ու դաստիարակում է սիրատուն դստերը՝ Մարիամին:

Հպարտանալու շատ բան ունի տնօրեն, հայոց լեզվի մկրյալ Անահիտ Պողոսյանը: Նա բազմիցս արժանացել է պատվոգրերի, դիպլոմների, շնորհակալագրերի: Ստացել է նաև կառավարական պարգև՝ «ԼՂՀ վարչապետի մեդալ»:

Սիրելի Անահիտ Իվանի, Ստեփանակերտի Ե. Չարենցի անվան հ. 7 հիմնական դպրոցի ողջ կոլեկտիվը սրտանց շնորհավորում է Ձեր հորեյանը: Թող Ձեր բարի սիրտը միշտ բերկրանքով ու ավյունով լեցուն լինի: Մաղթում ենք Ձեզ ամենից կարևորը կյանքում՝ ամուր առողջություն, հաջողություններ, երկար տարիների երջանիկ կյանք, մատաղ սերնդի կրթության և դաստիարակության գործում՝ նորանոր ձեռքբերումներ:

Հաղթանակները թող միշտ Ձեր ուղեկիցը լինեն:

Ստեփանակերտի Ե. Չարենցի անվան հ. 7 հիմնական դպրոցի մանկավարժական կոլեկտիվ

«Լուսարարը» սրտանց միանում է շնորհավորանքին:



ԳՆԱՐԱՏԱՆՔ

ԹՈՂ ԿՅԱՆՔԻՂ ԱՌԱՎՈՏՆԵՐՈ ԱՐԵՎՈՏ ԼԻՆԵՆ



Բոլոր դարաշրջաններում էլ ուսուցիչը մեծ ու պատասխանատու առաքելություն է կատարել:

Նա պատանի անհատի հոգևոր աշխարհը կերտողն է, հասարակության վստահված անձը, որի խնամքին ժողովուրդը հանձնում է ամենաթանկագինը, ամենաարժեքավորը՝ երեխաներին՝ իր հույսը, իր ապագան:

Ամեն տարի սեպտեմբերի 1-ին առաջին զանգի դողալուցների ներքո իր աշխույժ աշխատանքն է սկսում նոր ուսումնականը:

Այո, սեպտեմբերի 1-ը համաժողովրդական տոն է՝ Գիտելիքի օր: Դա նաև Ուսուցչի օրն է, ուսուցչի տոնը:

Յուրաքանչյուր ուսուցիչ, ով իր կյանքի լավագույն տարիները, իր հոգու ջերմությունը, տքնաջան աշխատանքը նվիրել է դպրոցին, արժանի է մեծ ուշադրության և գնահատանքի: Հարգելի ընթերցողներ, ահա թե ինչու ուզում են ձեզ պատմել քրոջս (թող այս փաստը ձեզ անսովոր չթվա)՝ Ռիտա Ալբուկարի մասին, ով աշխատում է Հայդրոթի շրջանի Մեծ Թաղերի միջնակարգ դպրոցում՝ որպես դասվար:

Սիրելի քույրիկ, դու մեկն ես Արցախի ուսուցիչների այն ստվար բանակի զինվորներից, ով ամենվիրաբար մեծ ծառայություն է մատուցում մեր մատաղ սերնդի կրթության ու դաստիարակության գործուն:

Երկի պատահական չէ, որ հենց սեպտեմբեր ամսին ես ծնվել: Սեպտեմբերի 23-ին բոլորում է կյանքիդ 50-րդ զարուհը:

Ինչքան արագ անցան տարիները: Այս պահին հուշերիս կծիկը քանդելով՝ նորից վերապրեցի մեր անցած մանկությունը, հիշեցի այն փոքրիկ, չարածճի աղջկան, որ անհոգ խաղում էր հայրենի տան բակի սաղարթախիտ թթենու տակ, հիշեցի մեզ՝ երկուսիս, որ իրար հետ մրցելով, մազլցում էինք մեր Ավագ պապի տնկած հսկա կեռասենիները և Արևհատ տատիկի ու մայրիկի համար համով կեռասներ էինք քաղում: Մեր գրնգուն ծիծաղի ձայնը, որ ծառերի կատարներից իր արծազանքն էր գտնում անտառի հեռավոր խորքերում, առայսօր հնչում է ականջներս մեջ:

Մանկությունը մի երջանիկ ակնբարթ է, հերթով այցելում է բոլորին ու առանց զգուշացնելու անտես հեռանում՝ հետևում թողնելով երանելի հիշողություններ:

Այն ժամանակ երկուսս էլ չգիտեինք, որ ապագայում ուսուցչուհի կդառնանք: Հայրենի գյուղի միջնակարգ բարձր գնահատականներով ավարտելուց հետո որոշեցիր տարրական դասարանի ուսուցչուհի դառնալ: Երազանքդ կատարվեց:

Արդեն երեսուն տարուց ավելի է, ինչ ավարտելով Ստեփանակերտի մանկավարժական ինստիտուտի մեթոդիկայի բաժինը, աշխատում ես ծննդավայրիդ դպրոցում՝ որպես դասվար:

Դու մեծրոպյան գրեթե ես ուսուցանում քո սաներին, նրանց տանում թվերի կախարդական աշխարհը, մեր ոսկեդեմիկ մայրենիով գերում ու հրապուրում ես աշակերտներին:

Դասամիջոցներին քեզ միշտ կարելի է տեսնել սաներով շրջապատված նրանց հետ գրուցելիս կամ էլ նրանց գրավորների տետրերին հակված՝ ուղղումներ անելիս: Անգամ արծակուր-

դի օրերին նորից նրանց հետ ես: Կարծես անտեսանելի ուժով երեխաները ձգում են քեզ, իսկ դու սիրով ընդառաջ ես գնում:

Գործի բերումով երբ լսում են վարածդ դասերը, նորից ու նորից համոզվում են, որ կարողանում ես թափանցել աշակերտի հոգին, ճանաչել նրան, անհատական մոտեցում ցուցաբերել նրանցից յուրաքանչյուրի հանդեպ:

Ասում են, որ մարդն իսկապես ապրում է միայն այն ժամանակ, երբ վայելում է ուրիշների համակրանքը:

Մանուկների հանդեպ տաժած քո ջերմությունը, քնքշանքն ու սերն անհետ չեն կորչում: Նրանք նույն ձևով սիրում ու համակրում են քեզ: Այդ է վկայում քո սանի՝ փոքրիկ Արենի ասած սրտաբուխ խոսքը. «Մայրիկ, ուզում են, որ այս տարի էլ ինձ ընկեր Ալբուկարի դասավանդի»:

Քո հաջողությունների օղակները շաղկապող ոսկե շղթան մեր ծնողների առայսօր ցուցաբերած սերն ու հոգատարությունն է եղել: Լինելով հասարակ աշխատավոր մարդիկ՝ նրանք իրենց հինգ զավակներին դաստիարակել են այնպես, որ կյանքում ապրեն մաքուր, ազնիվ ու պարզ հոգով, լինեն բարյացակամ, համբերատար, հաստատակամ ու աշխատանքի հարգը իմացող:

Մանք հենց այն դրական գծերն են, որոնք պետք է ունենա ուսուցիչն իր սաներին ճիշտ դաստիարակելու, կրթելու, ճիշտ ճանապարհի ցույց տալու համար:

Սիրելի Ռիտա, թե՛ քո աշխատանքային կոլեկտիվում, թե՛ հասարակության մեջ բոլորն էլ ճանաչում, հարգում ու սիրում են քեզ: Ես գիտեմ, որ քո անհանգիստ բնավորության հետևում մի պարզ ու մաքուր հոգի է թաքնված, որը դիմացիճիմ միայն ու միայն լավ ու բարին է կամենում:

Ի խորոց սրտի շնորհավորում են քեզ՝ ծննդյանդ 50-ամյա հոբելյանի կապակցությամբ, իմ

լավ քույրիկ: Թող 50 թիվը քեզ ամենակն չամհանգստացնի, այլ դառնա քո կյանքի գալիք տասնամյակների ամենահաջող անկյունաքարերից մեկը, քո նոր ճանապարհի առաջին ծաղիկը: Երբ գիշերային լռության մեջ նստես մենակ և 50 տարիների հեռվից մտովի հետադարձ հայացք ձգես անցած ճանապարհի վրա, որը հաստատվող գրքի է նման, երբ մեկիկ-մեկիկ թերթես նրա 50 էջերը, այնտեղ կտեսնես ժիր մանուկների ժպտացող դեմքեր, երախտագիտությանը ու շնորհակալությանը լեցուն հարազատներիդ, ընտանիքիդ, դստերդ՝ Եմիլիայի և որդուդ՝ Երիկի մեծ սերն ու նվիրվածությունը, դու կրկին կհամոզվես, որ ապրած տարիներդ իզուր չեն անցել:

Լինելով մայրենիի նվիրյալ, լավ մարդ՝ բոլորս էլ ուզում ենք, որ քո կյանքի ճանապարհը երկար շարունակվի, տարիների հետ դառնաս ավելի երիտասարդ:

Մի գրքում կարդացել եմ, որ բնության նման մարդն էլ տարիքի չորս եղանակ ունի, որոնք ամուր շաղկապված են իրար և իմաստավորված են հավերժությամբ:

Գիտեմ, բավական է գրկես սիրասուն թռնիկիդ՝ ժողովին և կյանքիդ գարնանային եղանակը նորից վերադառնում է քեզ մոտ:

Թող կյանքիդ բոլոր առավոտներն արևոտ ու լուսառատ լինեն, միշտ բացվեն ժպիտներով, քեզ մեծ ուժ ու եռանդ պարգևեն, որպեսզի քո դժվարին ու պատասխանատու աշխատանքում հասնես նորանոր հաջողությունների:

Լաուրա ԱԼԹՈՒՅԱՆ
Հարուկոթի շրջ. Մեծ Թաղերի միջն. դպրոցի հ. լեզվի եւ գրակ. ուսուցչուհի, արվարդասարանական եւ արվարդպրոցական աշխատանքների կազմակերպիչ

ՆԵԿՏԱՐԴ ԿՈՒՄ-ԿՈՒՄ



Կարծես երեկ էր, այլ ոչ թե 45 տարի առաջ, երբ գեղեցիկ արտաքինով, վառվառ դեմքով, զանգուր մազերով մի աղջնակ, որ Շուշիի մանկավարժական ուսումնարանի շրջանավարտն էր, ծաղկեփունջը ձեռքին, ուսուցիչ ծնողների ուղեկցությամբ մոտեցավ դպրոցի շենին, սանդուղքներով վեր բարձրացավ, մտավ հին ու անշուք մի սենյակ, որն «Ուսուցչանոց» ցուցանակն էր կրում: Մենք՝ այն ժամանակվա աշակերտներս, նույնպես թվալով ուղեկցեցինք նորաբուխ ուսուցչուհուն: Իսկ այսօր մեր կողքին է մագեր ճերմակած, թռչակային տարիքի հասած, բարետես արտաքինով մի ուսուցչուհի, որից մենք ավստանքով ենք բաժանվում:

Նա, որպես տարրական դասարանների ուսուցչուհի, իր աշխատանքային գործունեությունը ծավալել է Քերթի և Քարահունջի դպրոցներում:

Իմ խոսքի այս փոքրիկ նախաբանի հերոսը մեր գործընկեր, բազմավաստակ ուսուցչուհի Ալվինա Գևորգյանն է, որին մենք վաստակած հանգստի ճամփեցինք:

Մի պահ ցավ ես զգում, երբ գիտելիքների մեծ պաշարով թռչակի են անցնում եռանդուն մանկավարժները: Այսպիսին այսօր տիկին Գևորգյանն է, նա, ով տասնամյակներ շարունակ նեկտարը կու՛մ-կու՛մ տվել է սաներին:

Յուրաքանչյուր հրաժեշտի պահ դժվար է: Ասկայն երբ մտաբերում ենք մեր օրինակելի և բազմավաստակ ուսուցչուհու մանկավարժական կյանքը, որ բազմաթիվ ուրախ ելևէջներով է անցել, մի տեսակ հպարտություն ենք ապրում նրա արած-թողածի համար, և արցունքը փոխարինվում է խնդ ու ծիծաղով:

Նա լավ գիտի դեպի մանուկների սրտերը տանող ճանապարհը, որի շնորհիվ էլ շատ կարծ ժամանակում նրանց համար դարձել էր երկրորդ մայր:

Որ տիկին Գևորգյանը լավ ուսուցչուհի է, ես համոզվել եմ նրա վարած բազում դասեր լսելով: Նա հրաշալի գիտի տարրական դասարաններում դասավանդվող բոլոր առարկաների ծրագրային նյութերը և դրանց դասավանդման մեթոդները: Հետևաբար, այսօր նա կարող է հպարտորեն ասել. «Կյանքս նվիրել եմ մատաղ սերնդի կրթության ու դաստիարակության վե՛հ գործին»:

Ալվինա Գևորգյանը միշտ աշխատել է հոգու թելադրանքով: Եվ իրոք, նա իր հոգու լույսն ու ջերմությունն ամենացողոց նվիրել է հարազատ դարձած երկու գյուղերի դպրոցների հարյուրավոր աշակերտների, իր շուրջը սփռելով ամենօրյա սեր ու երջանկություն, խնդ ու բերկրանք:

Մտքի և հոգևոր անդաստանի գիտելիքների այդ անխնայ սերմնացանն իր կյանքի նպատակը տեսնում էր սաների մաքրամաքուր և հմայիչ աշխարհում: Նա ամուսնուցում է, երգում, պարում, ստեղծագործում: Զրուցասեր է, կենսախիճն և հոգու մեջ ոչինչ չթաքցնող, մի խոսքով՝ լավ մայր, լավ կին, լավ հարս և նվիրված ընկեր: Նրա մոտ անհնար է տիրել, ձանձրանալ, նրա խոսքերը համոզելու ուժ ունեն, կարողանում է թափանցել մարդկանց սրտերը, հարկ եղած դեպքում՝ կարեկցել, ոգևորել, հուսադրել ու սատարել:

Բարի է, միշտ ուզում է օգնել թույլին, անկարողին: Նա կյանքով լեցուն է ու լավատես, և ցանկանում ենք, որ այդպես էլ մնա իր ողջ կյանքում:

Ի սրտե շնորհավորում ենք մեր սիրելի գործընկերուհուն՝ վաստակած հանգստի անցնելու կապակցությամբ և մաղթում առողջություն, հաջողություններ ու երջանիկ օրերի բազմապատկում:

Սուսաննա ԲԵՂԱՐՅԱՆ
Մարտունու շրջ. Քարահունջ գյուղի հիմն. դպրոցի դասվար

Ծնող՝ Երազ ՀԱՐՈՒԹՅՈՒՅԱՆ

ՄԱՆԿԱՊԱՐԹԵՐԸ՝ ԱՆՁԻ ԿԱՅԱՑՄԱՆ ՈՒ ԴԱՍՏԻԱՐԱԿՈՒԹՅԱՆ ՀԻՄՔ

Մանկապարտեզում անձի կայացման ու դաստիարակության լուրջ քայլեր են կատարվում՝ դրվելով անձի ձևավորման, ես-ի հիմքը: Ուստի կարելի է ասել, որ մանկապարտեզն այսօր մեզ համար մի յուրօրինակ ճակատ է, որտեղ յուրաքանչյուր աշխատող՝ դայակից մինչև տնօրեն, մի յուրօրինակ առաքելություն է կատարում՝ դաստիարակելով մեր երկրի ապագա մորը, տիրոջը և պաշտպանին: Ամենայն պատասխանատվությամբ կարող են ասել, որ հենց այդ գիտակցումով էլ աշխատում են Ստեփանակերտի հ. 2 մանկապարտեզում՝ տնօրեն Լարիսա Ներսիսյանի ղեկավարությամբ:

Տարիների վաստակ ունեցող տնօրենը, ով նույնիսկ պատկանելի տարիքում անգամ երիտասարդական ավյունով է աշխատում, կարողացել է հասնել այն բանին, որ իր տնօրենության տակ գործող մանկապարտեզը ոչ միայն թրթափել է պատերազմի հետքերը, այլ նաև նոր, ժամանակակից պարագաներով հագեցած տեսք է ստացել, որտեղ մեր երեխաներն անց են կացնում հետաքրքիր և հաճելի ժամեր: Այստեղ ստեղծված են բոլոր պայմանները, որ մեր երեխաները դեռ մանկուց իրենց հոգում չզգան ու չկրեն կյանքի դառնությունները, իրենց թրթվախոս լեզվով միայն գովերգեն լավ ու բարին և հավա-

տան դրան: Հավատան, որ մի գեղեցիկ օր իրենց հայրերի ու պապերի թափած արյամբ ազատագրված երկիրն, իրոք, չեն ու ծաղկուն է լինելու՝ ձերբագրատված բոլոր խնդիրներից:

Երբ մանկապարտեզի տնօրենը ժպիտը երեսին ասում է, որ «իր երեխաներն ամենագեղեցիկն են», խոսում է այն մասին, թե նա ինչ նվիրումով է վերաբերվում իր աշխատանքին: Եվ աշխատանքի մեջ սեր ու նվիրվածություն դնելուց գատ՝ խստապահանջություն է դրսևորում կոլեկտիվի յուրաքանչյուր անդամի հանդեպ: Իր խստապահանջությունից անմասն չի մնում նաև հենց ինքը... Նրա համար օրը սկսվում է մանկապարտեզով և ավարտվում՝ մանկապարտեզով: Անգամ անձնակազմից ու առողջությունից վեր է դասում մանկապարտեզի բարեկարգությունը՝ սկսած սանիտարահիգիենիկ աշխատանքներից, ավարտած՝ դաստիարակների պարապմունքներով:

Եվ ահա, ակնառու է նաև արդյունքը. մտուր՝ փոքրերի, իսկ այս տարի՝ մեծերի խունք հաճախող աղջիկս՝ Մարիամ Շահջահանյանը ամեն շաբաթ մի նոր ոտանավոր, երգ ու պար է մեզ՝ ծնողներիս ցուցադրում, անգամ ստիպում իր հետ մարմնամարզություն անել՝ ասելով, որ դա օգտակար է մեր

առողջությանը: Եվ այս ամենը՝ շնորհիվ դայակ-դաստիարակչուհիների (Իրինա Գրիգորյան, Ջուլիա Ենգիբարյան, Իննա Բալայան, Կարինե Պետրոսյան, Իրինա Թադևոսյան, Նարինե Ավագյան, Վարդի տատիկ, Լաուրա Թավրիգյան, Իրինա Թադևոսյան) հրաշալի աստղաբույլի: Նրանց կարողանում են երեխաներին ըստ արժանվույն պատրաստել երկրորդ կրթօջախ ուղե դնելու քննություն-հաշվեկտրությանը, իրենք էլ նրանց հետ հավասար անցնելով այդ փորձությունը, մերթ փոքրերի հետ փոքրանալով ու մերթ էլ նրանց քմահաճությամբ առաջնորդվելով:

Մանկապարտեզն, ինչ խոսք, անձի կայացման ու դաստիարակության առաջին և լուրջ հիմքն է, որին էլ հետանում է Ստեփանակերտի հ. 2 մանկապարտեզի անձնակազմը: Որպես ծնող՝ իմ երախտագիտությունն են հայտնում նրանց, քանզի մեզ հետ հավասար բարեխղճորեն և նվիրումով են կազմակերպում մեր երեխաների առօրյան ու դաստիարակության հետ կապված հարցերը: Թող Աստծո Ջորավոր Աջը միշտ հովանի լինի նրանց և նրանց ընտանիքներին:

ԲԱՌԱՊԱՇԱՐ

ԱՇԱԿԵՐՏՆԵՐԻ ԽՈՍՔԻ ԶԱՐԳԱՑՈՒՄԸ ԳՐԱԿԱՆՈՒԹՅԱՆ ԴԱՍԵՐԻՆ

5 Երբ աշակերտներին մղում ենք այսօրինակ գործունեության, ապա նրանց մղում ենք դեպի ինքնուրույնության, դեպի սեփական կարծիքն արտահայտելուն: Իսկ սեփական կարծիք կարող է արտահայտել զարգացած խոսք ու միտք ունեցող աշակերտը: Սխալված չեմ լինի, եթե ասեմ, որ այսօր մեր աշակերտների ամենաթույլ տեղը թերզարգացած խոսքն է: Պետք է ողջ դասապրոցեսն օգտագործենք ռացիոնալ, մանրակրկիտ աշխատանք կատարելով բնագրի վրա, վերլուծենք և քննենք բոլոր բառերը, պատկերավոր արտահայտությունները: Համապարզված ու ամբողջական աշխատանք տանենք աշակերտների լեզվամտածողության, ինքնուրույն խոսքի զարգացման ուղղությամբ: Այսպես, ծրագրով 10-րդ դասարանում նախատեսված է անցնել Մուրացյանի «Գևորգ Մարգարյանի» պատմավեպը: Թեմայի հետ միասին դասարանին առաջադրում են հետևյալ բնույթի աշխատանքներ.

1. Գրել *ասպախումբ, դրյակ, վաղորդյան, մշուշ, նմուշ, հեծյալ* բառերի հոմանիշները:
2. Բացատրել *կոչնակ, անխոնջ, բուրվառ, խնկարկել, ամեհի, սքողել* բառերը, դրանք գործածել նախադասություններին մեջ:
3. Բնագրից գտնել կազմության բարդ բառերը, կազմել նոր բառեր դրանց արմատներով:
4. Բնագրից դուրս գրել մակդիրները՝ մակդիրակիր բառերի հետ:
5. Բնագրից դուրս գրել համեմատություններ:
6. Բնագրից դուրս գրել արդի հայերենում չօգտագործվող բառեր ու արտահայտություններ, դրանք փոխարինել ժամանակակից ձևերով:
7. Դուրս գրել դուր եկած նկարագրություններն ու պատկերները:

Կարելի է դասարանը բաժանել խմբերի և յուրաքանչյուր խմբի տակ առանձին հանձնարարություն: Կարելի է նույնիսկ տալ նույն հանձնարարությունը և անցկացնել մրցման կարգով: Ի դեպ, դասարանում խմբերով աշխատանքը տալիս է գոհացուցիչ արդյունք, աշակերտները ձգտում են ներդնել իրենց գիտելիքները, իրենց խոսքը: Կամ էլ առաջադրանքները գրում են թերթիկների վրա և աշակերտներին աշխատեցնում գույզերով: Այդ աշխատանքները կատարելիս աշակերտներն օգտվում են իրենց բառարաններից (դասարանի համարյա թե բոլոր աշակերտները ձեռքի տակ ունեն հոմանիշների բառարաններ): Աշխատանքի հաջորդ փուլում առաջադրում են նախադասությունների մեջ օգտագործել բնագրից դուրս գրած բառակապակցությունները, մակդիրները: Օրինակ՝ սքանչելի ալեկոծություն, վաղորդյան անուշահոտություն, մարգարտյա կաթիլներ, սպիտակափառ զագաթ և այլն:

Հատուկ աշխատանք են տանում նաև կազմության բարդ բառերի դուրսգրման և դրանց բաղադրիչներով նոր բառեր կազմելու ուղղությամբ: Խոսքի զարգացման նպատակով օգտագործում են բազմաթիվ մեթոդներ՝ դրանք գուրդողելով և համակցելով իրար: Այսպես՝ աշակերտները սովորաբար դժվարանում են չափածո ստեղծագործություններն արձակ վերարտադրելիս, երկխոսություններով հարուստ նյութը երրորդ դեմքով պատմելիս: Ուսուցումը դյուրացնելու նպատակով առաջարկում են չափածո ստեղծագործության յուրաքանչյուր բառատողից առանձնացնել հատվածի հիմնական միտքն արտահայտող բառերն ու բառակապակցությունները, նրանցով կազմել նախադասություններ: Ականա ամեն մեկը յուրովի վերարտադրում է նյութի բովանդակությունը: Երբեմն էլ քառատողի բովանդակությունն արտահայտում ենք արձակ, պատմողական նախադասություններով՝ օգտագործելով հոմանիշներ, փոխելով շարահատությունը:

Բանավոր խոսքի զարգացման, բառապաշարի հարստացման նպատակին են ծառայեցնում հոմանիշների ուսուցումը: Հոմանիշները թվարկելիս ընդգծում են այն բառը, որը տվյալ շարքում անձանթ է երեխաներին: Երեխաների ուշադրությունը հրավիրում են այդ բառերի վրա: Հաջորդ տեքստերն անցնելիս հանդիպում են հենց այն ընդգծված բառերին, որոնց նախորդ ժամին ծանոթացել էին: Պարզ է, որ բառն արդեն անձանթ չէ: Բավական է միայն հիշեցնել, ապա հոմանիշների շարքում մեկ ուրիշ անձանթ բառ բացատրել ու այսպես շարունակ: Ծանոթացումը հոմանիշներին շարունակում են նաև հայոց լեզվի ժամերին, երբ այդ բառերն ուսումնասիրվում են իրենց տարբեր քերականական հատկանիշներով: Փաստորեն նույն բառին աշակերտը հանդիպում է մի քանի անգամ. մեկ՝ որպես անձանթ բառ, մեկ՝ որպես հոմանիշ, մեկ՝ որպես ուղղագրական դժվարություն ունեցող բառ, շարահյուսական միավոր կամ խոսքի մաս: Սակայն ուսուցումը սրանով չի ավարտվում: Ուշադրի հետևում են աշակերտների խոսքին էքսկուրսիաների ժամանակ: Հարկ եղած դեպքում հիշեցնում են, որ օգտագործեն այս կամ այն բառը, դարձվածքը, թևավոր խոսքը: Այսպես ուսուցումը դառնում է առավել գործնական, կենդանի:

Հետաքրքիր աշխատանք է նաև բոլոր բառակապակցություններով մեկ նախադասություն կազմելը: Սա, իհարկե, պահանջում է մտքի լարում և կողմնորոշվելու կարողություն: Բանավոր խոսքի զարգացման ակտիվ միջոց է խոսքի և կերպարվեստի համակցված օգտագործումը, որը խորացնում է տպավորությունը, սրում զգացմունքները: Այսպես՝ Հ.

Սահյանի «Անտառում» բանաստեղծությունը, Ստ. Ջորյանի «Պապն ու թռուղ» պատմվածքն անցնելիս աշակերտներին հանձնարարում են ոչ միայն գրել շարադրություն՝ «Անտառում» թեմայով, այլ նաև նկարել անտառ կամ բնության մի գոտորիկ անկյուն: Եվ այն աշակերտները, ովքեր ունեն հարուստ բառապաշար, ստեղծագործական երևակայություն, կարողանում են այդ ամենը գունավոր մատիտների միջոցով պատկերել թղթի վրա: Նկարն աշակերտի խոսքը դարձնում է պատկերավոր:

Աշակերտների բառապաշարի որակական կազմի հարստացման համար աշխատանք են ապահովել բառապաշարի բազմակողմանիությունն ու թեմատիկ բազմազանությունը: Աշխարհը գլխապտույտ արագությամբ առաջ է շարժվում, և դպրոցը՝ որպես հանրային կառույցներից մեկը, չի կարող չարձագանքել նրանում կատարվող փոփոխություններին: Տեղեկատվական բազմաթիվ միջոցներն անհավանական թվացող հնարավորություններ են բացել այսօրվա աշակերտի առջև, և նրա բառապաշարն օրեօր հարստանում է նորանոր բառերով ու տերմիններով:

Աշակերտների բառապաշարի հարստացման նպատակին են ծառայեցնում պատկերավորման-արտահայտչական միջոցների ուսուցումը: Մեծ տեղ են հատկացնում գրական ստեղծագործություններում գործածված պատկերավորման միջոցներին, հատկապես՝ մակդիրներին: Աշխատում են այնպես անել, որ աշակերտներն ընկալեն մակդիրների հավելյալ նրբնաստները, խոսքին հուզականություն հաղորդելու դրանց մեծ հնարավորությունը: Այսպես, նոր ծրագրով 7-րդ դասարանում անցնում ենք Ե. Չարենցի «Ես իմ անուշ Հայաստանի» բանաստեղծությունը: Բանաստեղծությունն ուսուցանելուց հետո մեկ ժամ տրամադրում են աշակերտների բառապաշարի հարստացմանը, կապակցված խոսք կառուցելու հմտությունների զարգացմանը: Բանավոր խոսքի զարգացման տեսակետից Ե. Չարենցի «Ես իմ անուշ Հայաստանի» բանաստեղծությունը դասական նմուշ է: Ողջ բանաստեղծությունը համեմատված է մակդիրներով: Աշակերտները շատ հեշտությամբ ու մեծ հաճույքով բանաստեղծությունից դուրս են գրում մակդիրներն իրենց մակդիրակիր բառերի հետ: Այնուհետև պահանջում են այդ նույն մակդիրները գործածել իրենց սեփական նախադասություններում: Առաջարկում են բանաստեղծության մոտիվներով նկարել որևէ նկար, իսկ որպես տնային հանձնարարություն տալիս են շարադրություն՝ «Հայաստանը Ե. Չարենցի «Ես իմ անուշ Հայաստանի» բանաստեղծության մեջ» թեմայով, որտեղ աշակերտները գործածում են իրենց դուրս գրած մակդիրներն ու կազմած նախադասությունները:

Աշակերտների խոսքի զարգացման մյուս կարևոր միջոցը գեղարվեստական երկերի ընթերցումն է: Հետևողական և նպատակային աշխատանքը բնագրի վրա սկսում են նրանից, որ ամեն ուսումնական տարվա վերջում աշակերտներին հանձնարարում են հաջորդ տարվա համար նախատեսված արտադասարանային ընթերցանության թեմաները, որ արձակուրդի օրերին երեխաները կարդան: Արտադասարանային ընթերցանության ժամերն առավել հետաքրքիր անցկացնելու համար նախօրոք հանձնարարում են քննարկվելիք գիրքը:

Արտադասարանային ընթերցանության դասին պատրաստվում են բոլոր աշակերտները, որովհետև այն աշակերտը, ով բնագիրն ընթերցած չի լինում, այդ դասին չի կարող մասնակցել: Պատճառը հետևյալն է. օգտագործում են այսպիսի մի մեթոդ: Առաջին աշակերտը թղթի վրա սկսում է գրել բնագրի սյուժեն: Նա գրում է մի քանի նախադասություն, հաջորդ աշակերտը, եթե ընթերցել է երկը, կարողանում է ընկերոջ միտքը շարունակել: Այսպես մի ամբողջ դասապրոցեսում աշակերտները հասցնում են գրել երկի բովանդակությունը, իհարկե, շատ համառոտ: Իսկ նրանք, ովքեր չեն ընթերցել, կամա թե կամա հրաժարվում են խաթին մասնակցելուց: Հասկանալի է՝ դրանից հետո նրանք ստիպված սկսում են գիրք ընթերցել:

Իմ դասերի անբաժանելի մասն են կազմում բանավեճերը: Դա ևս նպաստում է աշակերտների խոսքի զարգացմանը: Գրականության դասն առանց բանավեճի պատկերացնել չեմ կարող: Աշակերտները դառնում են անկեղծ, ինքնաբերական, կարողանում են օգտագործել դիպուկ տողեր, թևավոր արտահայտություններ, իմաստուն ասույթներ գրականության իրենց անցած դասերից:

Աշակերտների խոսքի զարգացմանը հետևում են ոչ միայն գրականության, այլ նաև հայոց լեզվի դասերին: Աշխատում են ոչ միայն հետևողականորեն ճշտել աշակերտների բանավոր խոսքի թերությունները, այլև նրանց համար ստեղծել արտահայտվելու առիթներ՝ այդ «շատախոսությունը» ծառայեցնելով թե՛ բանավոր խոսքի զարգացմանը և թե՛ լեզվական նյութի գիտակցական յուրացմանը:

Այսպիսով, մեզանից յուրաքանչյուրն ուսուցման ընթացքում պետք է դրսևորի ստեղծագործական մոտեցում, նպատակասլաց հետևողականություն, որոնի և գտնի աշակերտների ինքնուրույն միտքը խթանող մեթոդական թարմ ու հետաքրքրական ձևեր, և արդյունքում մեր աշակերտները կունենան զարգացած գրավոր և բանավոր խոսք:

Լյուբա ՄԱՅԻՆՅԱՆ
Հարդուֆի Մ. Մանվելյանի անվան միջն. դպրոցի հ. լեզվի եւ գրակ. ուսուցչուհի

խոսք հիշատակի

ՍԻՐՈՎ ԿՅԻՇԵՆ



Հոգուս խորքում մեծ ցավ ապրեցի, երբ իմացա, որ կյանքի 75-րդ տարում իր մահկանացուն կնքեց մեր սիրելի ուսուցչուհիներից Ռազմիկ Շաքարյանը: Սահագել է հայրենի եզերքից հեռու՝ ուկրաինական խարկով քաղաքում...

Եվ մինչ գրասեղանիս առաջ նստած, մտնում էի գրել հիշատակի խոսք, որը կլինի նաև իմ շատ սերնդակիցների երախտագիտության խոսքը՝ ուղղված մեր դպրոցական կյանքի առաջին տարիների առաջին ուսուցչուհիներից մեկին, մի պահ մտովի վերապրեցի քաղցրահուշ, անցած ու անվերադարձ կանաչ-կարմիր օրերը...

Մանկավարժական աշխատանքիս առաջին սրտահույզ քայլերը մեր հարազատ կրթօջախում նույնպես անցել են սիրելի ուսուցչուհու աչքի առաջ, նրա ներկայությամբ և, անկասկած, նրա օգտակար դասախորհուրդներով:

Ավարտելով Շուշիի մանկավարժական ուսումնարանը՝ Ռազմիկ Շաքարյանը որպես դասավար աշխատանքի է անցել Սխտորաշեն գյուղի 8-ամյա դպրոցում, իսկ երկու տարի անց տեղափոխվել է հարազատ ճարտար գյուղ և աշխատանքի նշանակվել Գյուլեն ճարտարի 8-ամյա դպրոցում: Սկզբնական շրջանում ռուսաց լեզվի ուսուցչի պահանջարկ կար, և նա մեզ՝ տարրական դասարաններում սովորողներին, ուսուցանում էր ռուսաց լեզու: Մանկության հիշողություններն ուժեղ են տպավորվում. լավ հիշում են՝ դասարան էր մտնում և ժպտաղեն ռուսերենով մեզ ողջունում: Նա առաջին իսկ օրից գտավ մեր սրտերի ճանապարհը: Նրա մեջ տեսանք լույսի, իմաստության անսպառ ակունքը: Նրա միջոցով ճանաչեցինք ռուս գրականության հսկաներ Ա. Ս. Պուշկինին, Լ. Ն. Տոլստոյին, Մ. Զու. Լերմոնտովին: Ծանոթացանք նաև հայ հեղինակների ռուսերեն թարգմանված մի շարք ստեղծագործություններին:

Հետագայում ընկեր Շաքարյանին նշանակեցին տարրական դասարաններում դասավար-ուսուցչուհի: Մատաղ սերնդին ուսուցանեց ու դաստիարակեց, նրա մեջ սեր սերմանեց դեպի մեր հազարազանց մայրենին, բացահայտեց թվաբանության հրաշագեղ աշխարհի գաղտնարանները: Սովորեցրեց ազգային հոգեպարար երգեր ու պարեր, կազմակերպեց բազմաթիվ մարզախաղեր, արշավներ, գրական-գեղարվեստական ցերեկույթներ, երկույթներ: Համատեղության կարգով նաև դպրոցի ավագ ջոկատավարի պարտականություններն էր կատարում:

Հետագայում Ռ. Շաքարյանի տասնյակ սաներ սրտի թելարանքով, հոգու մղունով ընտրեցին ուսուցչի մասնագիտությունը: Նրա ավագ դուստրը՝ Զարինե Դանիելյանը, այսօր հարազատ Գյուլեն ճարտարի Արամայիս Հայրապետյանի անվան հ. 3 հիմնական դպրոցում աշխատում է որպես տարրական դասարանների ուսուցչուհի և սովորողների հետ դաստիարակչական աշխատանքների գծով կազմակերպիչ: Իսկ թոռնիկներից Ռուզաննան, Շուշիի Ա. Խաչատրյանի անվան պետական հումանիտար թղթջուռ երիտասարդ դասախոսների շարքերն է համալրել:

Ռ. Շաքարյանը՝ հինգ դուստր և մեկ ուսուր է ծնել ու սնել: Սինուճար որդին՝ Արթուրը, Արցախյան ազգային-ազատագրական շարժմանը զինվորագրվել է առաջին իսկ օրերից և ակտիվորեն մասնակցել ազատագրական շատ մարտերի:

Խոհերս ուզում են ավարտել չափածո տողերով.
...Տարիներն ինչքան
Թևածեն, հոսեն,
Ձեր բյուր սաները՝
Միշտ սիրով պիտի
Ձեր հանդեպ խոսեն:
Դուք, որ հոգեպետ
Միշտ զինել եք մեզ,
Հավերժություն՝ Ձեզ...

Ձեր բոլոր երախտագետ սաների, գործընկերների անունից՝

Թովիկ ՀԱՅՐԱՊԵՏՅԱՆ
գ. ճարտար

ՀԱՅՏԱՐԱՐՈՒԹՅՈՒՆ

Հայտարարվում է մրցույթ՝ Քաշաբաղի շրջանի ներքինի շրջանի գյուղերի դպրոցների ուսուցիչների թափուր տեղերի համար

ՀԱՅՏԵՐԻ ԸՆԴՈՒՆՄԱՆ ՄՐՑՈՒՅԹ

Լեռնային Ղարաբաղի Հանրապետության կրթության և գիտության նախարարությունը կազմակերպում է գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում կիրառական արդյունքի ձեռքբերման ուղղված գիտական թեմաների հայտերի ընտրության ՄՐՑՈՒՅԹ:

Մրցույթին մասնակցելու հայտի գրավոր դիմումը և փաստաթղթերի փաթեթը՝ սուսնված ծրարով, Արցախի գիտական կենտրոն է ներկայացնում հետազոտական խմբի ղեկավարն անձամբ (աշխատանքային օրերին՝ ժամը 10:00 - 13:00 և 14:00 - 17:00, Ստեփանակերտ, Տիգրան Մեծի 10) կամ փոստով (Ստեփանակերտ, Տիգրան Մեծի 10)՝ մինչև հոկտեմբերի 20-ը:

Մրցույթի հրավերի փաթեթը տեղադրված է Լեռնային Ղարաբաղի Հանրապետության կրթության և գիտության նախարարության ինտերնետային կայքում (www.edu.nkr.am):

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Արցախի գիտական կենտրոնում, աշխատանքային օրերին՝ ժամը 14:00 - 17:00, հեռ. 047-95-80-93:

ՄՐՑՈՒՅԹ ՈՒՄՈՒՑՅԻ ԹԱՓՈՒՐ ՏԵՐԻ ՀԱՄԱՐ

Հայտարարվում է մրցույթ՝ ԼՂՀ Հաղործի, Ասկերանի, Մարտունու շրջանների ներքինի շրջանի դպրոցների ուսուցիչների թափուր տեղերի համար:

Հաղործի շրջան

Table with 2 columns: Position/Requirement and Details. Includes roles like 'Հաղործի մ/դ', 'Վանքի մասնաճյուղ', 'Ակնաղբյուրի մ/դ', etc.

Ասկերանի շրջան

Table with 2 columns: Position/Requirement and Details. Includes 'Աստղաշենի մ/դ', 'Կարմիր գյուղի մ/դ'.

Փաստաթղթերն ընդունվում են սույն հայտարարության հրապարակման օրից մինչև հոկտեմբերի 14-ը ներառյալ, ամեն օր՝ ժամը 09:00-ից 15:00-ը, բացի շաբաթ և կիրակի օրերից՝ համապատասխան դպրոցներում:

Փաստաթղթերի ընդունումը կանցկացվի ըստ կարգի:

Մրցույթները տեղի կունենան հոկտեմբերի 15-ից 19-ը ընկած ժամանակահատվածում՝ տեղը, ժամը և այլ տեղեկությունների համար դիմել համապատասխան դպրոց:

Ուսուցիչ պաշտոնի համար նախատեսված վարձատրությունը որոշվում է ըստ դասաբաշխման: Մրցույթի մասնակիցների գիտելիքների և մասնագիտական կարողությունների ստուգումն անցկացվելու է երկու փուլով՝ գրավոր և բանավոր, ըստ ԼՂՀ կրթության և գիտության նախարարության կողմից հաստատված հարցաշարերի: Հարցաշարերը հրապարակված են «Լուսարար» պաշտոնաթերթի թիվ 25-26-ում և տեղադրված են Լեռնային Ղարաբաղի Հանրապետության կրթության և գիտության նախարարության edu.nkr.am կայք էջում:

Մրցույթին մասնակցելու համար անձը հանձնաժողովին է ներկայացնում՝

- 1. Հանձնաժողովի անունով գրավոր դիմում՝ նշելով այն աշխատատեղը, որին հավակնում է: (Ձև 1),
2. Փաստաթուղթ (դիմում) «Հանրակրթության մասին» ԼՂՀ օրենքի 26-րդ հոդվածի 1-ին մասի պահանջին համապատասխան որակավորման վերաբերյալ,

Տիգրանյան Իշխանաձոր Բազմատուս

Միրիկ Գանձա Բերձորի հ. 1 Բերձորի հ. 2 Գետամեջ Միջնական Կարդուտ Աղանուս

Արտաշավի Դիցմայրի

Երիցվանք Մոշաբաղ Աղավնատուն Սուս Մշենի Գողթանիկ Ղազարապատ

Տանձուտ

Ծիծեռնական Կովսական

Կումայրի Մովսեսաշեն

Յերիկ

Ուռեկան Շալուա

Դրախտաձոր

Սոնասար Արվական Այգեհովիտ

Մարտունաշեն Ալաշկերտ Արծվաշեն

Կերեն

Լեռնահովիտ Աղավնո Հակարի Ծաղկաբերդ Սարատակ Աղաձոր

Ծղբաձոր Քաշունիք

Վան

Վակունիս Քարեգահ Աղազին Վուրգավան

- դասվար-1 հաստիք, ֆիզկուլտուրա-11 ժ, հայոց լեզու-6 ժ
- դասվար-2 հաստիք, ռուսաց լեզու-19 ժ, ֆիզկուլտուրա-14 ժ հայոց լեզու և գրականություն-23 ժ
- դասվար-1 հաստիք, բնագիտություն-2 ժ, օտար լեզու-6 ժ, աշխարհագրություն-4 ժ, կենսաբանություն-4 ժ, քիմիա-3 ժ, հայոց պատմություն-6 ժ, շախմատ-2 ժ, ֆիզկուլտուրա-11, ֆիզիկա-5 ժ
- դասվար-1 հաստիք, օտար լեզու-10 ժ, ֆիզկուլտուրա-15 ժ,
- զինղեկ-0,5 հաստիք, ռուսաց լեզու-10 ժ, մաթեմատիկա-14 ժ, ֆիզկուլտուրա-9 ժ
- զինղեկ-1 հաստիք, հայոց լեզու-21 ժ, ռուսաց լեզու-22 ժ
- զինղեկ-1 հաստիք
- ֆիզկուլտուրա-16 ժ, մաթեմատիկա-22 ժ, քիմիա-8 ժ, կենսաբանություն-6 ժ
- պատմություն-23 ժ, հայոց եկեղեցու պատմություն-7 ժ
- օտար լեզու-10 ժ, ռուսաց լեզու-16 ժ, աշխարհագրություն-7 ժ, քիմիա-7 ժ, կենսաբանություն-8 ժ
- դասվար-1 հաստիք, պատմություն, հասարակագիտություն-10 ժ, օտար լեզու-8 ժ, հայոց եկեղեցու պատմություն-3 ժ, քիմիա, կենսաբանություն-11 ժ
- դասվար-1 հաստիք
- դասվար-1 հաստիք, ռուսաց լեզու-14 ժ, զինղեկ-1 հաստիք, հայոց լեզու-22 ժ, ֆիզկուլտուրա-14 ժ, օտար լեզու-15 ժ, կենսաբանություն, բնագիտություն-8 ժ, մաթեմատիկա-9 ժ, ֆիզկուլտուրա-4 ժ
- դասվար-3 հաստիք, հայոց լեզու և գրականություն-27 ժ
- դասվար-1 հաստիք, ինֆորմատիկա-6 ժ
- դասվար-1 հաստիք, զինղեկ-1 հաստիք, ֆիզկուլտուրա-1 հաստիք
- քիմիա-6 ժ, աշխարհագրություն-7 ժ, ֆիզկուլտուրա-6 ժ, զինղեկ-1 հաստիք
- անգլերեն-10 ժ, զինղեկ-1 հաստիք
- կենսաբանություն-8 ժ, քիմիա-7 ժ, ֆիզկուլտուրա-12 ժ, օտար լեզու-12 ժ
- օտար լեզու-12 ժ, քիմիա-6 ժ, կենսաբանություն-6 ժ, ֆիզկուլտուրա-12 ժ, ռուսաց լեզու-12 ժ աշխարհագրություն, բնագիտություն-8 ժ
- ֆիզկուլտուրա-5 ժ, մաթեմատիկա-5 ժ, հայոց լեզու և գրականություն-19 ժ, պատմություն-12 ժ, հասարակագիտություն-2 ժ, զինղեկ-1 հաստիք
- զինղեկ-1 հաստիք, մաթեմատիկա-11 ժ
- պատմություն, հասարակագիտություն-23 ժ, հայոց լեզու և գրականություն-23 ժ, հայոց եկեղեցու պատմություն-9 ժ, աշխարհագրություն-11 ժ, զինղեկ-1 հաստիք, մաթեմատիկա, ինֆորմատիկա-18 ժ
- պատմություն, հասարակագիտություն-22 ժ, ռուսաց լեզու-27 ժ, օտար լեզու-10 ժ
- քիմիա-4 ժ, կենսաբանություն-4 ժ, ռուսաց լեզու-11 ժ, զինղեկ-0,5 հաստիք, հայոց լեզու և գրականություն - 17 ժ, օտար լեզու-8 ժ
- հասարակագիտություն, ՅԵՊ-18 ժ, օտար լեզու-10 ժ, հայոց լեզու-16 ժ, կենսաբանություն-6 ժ, քիմիա-4 ժ, աշխարհագրություն-5 ժ, դասվար-2 հաստիք, զինղեկ-1 հաստիք, ֆիզկուլտուրա-12 ժ
- դասվար-1 հաստիք, հայոց լեզու-28 ժ, ռուսաց լեզու-22 ժ, զինղեկ-1 հաստիք
- զինղեկ-0,5 հաստիք, ֆիզկուլտուրա-9 ժ, օտար լեզու-8 ժ, ռուսաց լեզու-12 ժ, պատմություն-15 ժ, աշխարհագրություն-3 ժ, քիմիա, կենսաբանություն- 8 ժ, մաթեմատիկա-6 ժ
- ռուսաց լեզու-13 ժ, օտար լեզու-8 ժ, մաթեմատիկա-5 ժ, քիմիա-4 ժ, կենսաբանություն-4 ժ, հայոց լեզու և գրականություն-18 ժ, դասվար-1 հաստիք
- պատմություն-7 ժ, օտար լեզու-8 ժ, զինղեկ-0,5 հաստիք, աշխարհագրություն-5 ժ
- զինղեկ-0,5 հաստիք, քիմիա-2 ժ, կենսաբանություն-2 ժ, դասվար-1 հաստիք, օտար լեզու-6 ժ
- զինղեկ 1 հաստիք, հայոց լեզու և գրականություն-14 ժ, մաթեմատիկա-6 ժ, ֆիզիկա-13 ժ, աշխարհագրություն-7 ժ, ֆիզկուլտուրա-14 ժ
- պատմություն, հասարակագիտություն-11 ժ, օտար լեզու-12 ժ
- դասվար-2 հաստիք, աշխարհագրություն-8 ժ, ֆիզկուլտուրա-16 ժ
- դասվար-1 հաստիք, զինղեկ-1 հաստիք, հայոց լեզու և գրականություն-20 ժ, քիմիա, կենսաբանություն-11 ժ, պատմություն, հասարակագիտություն-11 ժ, աշխարհագրություն-5 ժ, ֆիզկուլտուրա-6 ժ
- զինղեկ-1 հաստիք, ռուսաց լեզու-12 ժ, օտար լեզու-8 ժ, քիմիա-4 ժ, ֆիզկուլտուրա-9 ժ, պատմություն, հասարակագիտություն-10 ժ, կենսաբանություն-4 ժ, շախմատ-2 ժ
- զինղեկ-1 հաստիք, ֆիզիկա-8 ժ, մաթեմատիկա-12 ժ, ֆիզկուլտուրա-12 ժ, օտար լեզու-14 ժ, ինֆորմ.-4 ժ
- զինղեկ-1 հաստիք, ֆիզկուլտուրա-10 ժ
- զինղեկ-1 հաստիք, օտար լեզու-8 ժ
- զինղեկ-1 հաստիք, հայոց լեզու և գրականություն-24 ժ, աշխարհագրություն-6 ժ
- զինղեկ-1 հաստիք, դասվար-1 հաստիք
- զինղեկ-1 հաստիք, ռուսաց լեզու-8 ժ, պատմություն, հասարակագիտություն-22 ժ, աշխարհագրություն, ֆիզիկա-17 ժ, դասվար-1 հաստիք
- զինղեկ-1 հաստիք, քիմիա, կենսաբանություն-4 ժ
- զինղեկ 1 հաստիք, մաթեմատիկա, ֆիզիկա, ինֆորմատիկա-10 ժ, օտար լեզու-6 ժ, քիմիա, կենսաբանություն-4 ժ
- պատմություն, հասարակագիտություն-19 ժ, ՅԵՊ-5 ժ, աշխարհագրություն, բնագիտություն-8 ժ, կենսաբանություն-6 ժ, քիմիա-6 ժ
- ռուսաց լեզու-10 ժ, պատմություն-13 ժ, զինղեկ-0,5 հաստիք
- ֆիզկուլտուրա-15 ժ, դասվար-2 հաստիք
- ֆիզկուլտուրա-9 ժ, դասվար-1 հաստիք
- զինղեկ-1 հաստիք, ֆիզիկա-8 ժ, ֆիզկուլտուրա-12 ժ, մաթեմատիկա-20 ժ

Փաստաթղթերն ընդունվում են սույն հայտարարության հրապարակման օրից մինչև հոկտեմբերի 25-ը ներառյալ, ամեն օր՝ ժամը 09:00-ից 15:00-ը, բացի շաբաթ և կիրակի օրերից՝ համապատասխան դպրոցներում: Փաստաթղթերի ընդունումը կանցկացվի ըստ կարգի: Մրցույթները տեղի կունենան հոկտեմբերի 28-ից նոյեմբերի 1-ը ընկած ժամանակահատվածում՝ տեղը, ժամը և այլ տեղեկություններ իմանալու դիմել համապատասխան դպրոց:

- 3. Անձնագրի պատճենը,
4. Ինքնակենսագրություն (Ձև 4),
5. Թափուր աշխատատեղը զբաղեցնելու համար մասնագիտական գիտելիքներին և աշխատանքային ունակություններին ներկայացվող պահանջների բավարարումը հավաստող փաստաթղթերի, հավաստագրերի պատճենները (դրանց առկայության դեպքում),
6. Մեկ լուսանկար՝ 3x4 չափսի,
7. Այլ պետությունների քաղաքացիները՝ Լեռնային Ղարաբաղի Հանրապետությունում աշխատելու իրավունք,
8. ԼՂՀ արական սեռի քաղաքացիները ներկայացնում են նաև զինգրքույկ: Փաստաթղթերի պատճենները պետք է ներկայացնել բնօրինակների հետ:

ԼՈՒՍԱՐԱՐ | Հիմնադիր՝ «Լուսարար» ՓԲԸ | Ստեփանակերտ, Գ. Թումանյան փ. 111, 94-38-99, E-mail: gorcert@mail.ru: www.lusarar.info | Մեջբերումների եւ փաստական տվյալների ստուգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում: | Տպագրվում է Ստեփանակերտի «Դիզակ պլյուս» ՍՊԸ-ում: Տպագրակա՝ 3150: Ծավալը՝ տպագրական 2 մամուլ: Ստորագրված է տպագրության՝ 28.09.2013թ.:

«Լուսարար» թերթը տարածվում է միայն բաժանորդագրությամբ: